

弘

簡

錄

弘簡錄卷一百五十五

明刑部員外郎仁和弘齋邵經邦學

皇清翰林院侍講學士四世孫遠平校閱

臺諫 宋五之十六

王次翁 鄭剛中 楊恩 勾龍如淵 羅汝楫 子順

樓炤 范同 梁汝嘉 尹穉 王之望

何澹 胡紘 高文虎 林果 程松 張巖

許及之 李知孝 梁成大 朱熹 沈炎 李鳴復 金洞

王次翁字應曾濟南人入太學禮部別頭試第一歷廣西轉運

判官召對不合旨出知處州乞祠歸寓于婺呂頤浩帥長沙辟

為參謀官頃之乞致仕秦檜召還道出婺次翁見之樓炤言頤

浩與次翁同郡頤浩相次翁何貧困至此檜笑曰非其類也檜

相乃累遷御史中丞金人敗盟入侵次翁爲檜言于高宗謂無使小人異議乘間而入檜德之事在檜傳先是檜兄子與其內兄王喚以恩幸得官檜初罷政抵斥累年至是次翁希檜旨乞悉罷建炎紹興前後累降指揮由是二人驟進次翁旣論罷趙鼎檜思其復用令又言之鼎遂謫居興化軍旣而以何鑄言謫鼎漳州檜意猶未厭遂安置湖州除次翁叅知政事兩浙轉運司牒試主司觀望檜與次翁子姪多預選士論大駭金人敗於柘皋檜名三大將除樞府罷兵柄次翁歸語其子曰吾與蔡相謀之久矣太后回鑾次翁爲奉迎扈從禮儀使初太后貸金于金使以犒從者至境金使責償乃入次翁以未得檜命且懼檜疑其私相結約欲攘其位堅不肯償相持境上凡三日中外憂慮副使王喚哀金與之太后歸泣訴于帝帝震怒欲誅之次翁

先自檜檜力爲營救奏爲報謝使以避帝怒使還帝立中宮奏爲開寶副使帝終惡之檜論次翁辭位遂以資政殿學士奉祀引年歸居明州檜憐之饋問不絕卒贈宣奉大夫錄其諸子親族檜捐國十九年終始不二者惟次翁爾

鄭剛中字亨仲夔州金華人登進士甲科累官監察御史遷殿中侍御史剛中山秦檜薦檜主和議剛中不敢言移宗正少卿請去不許改祕書少監金歸侵疆檜遣剛中爲宣諭司叅謀官及還除禮部侍郎爲川陝宣諭使諭諸將罷兵諒充陝西分畫地界使金使烏陵贊謨入境欲盡取階成岷鳳秦商六州剛中不從欲姑取秦商於大散關立界又堅不從繼除川陝宣撫副使兀術遣人力求和尚原剛中恐敗和好乃割秦商之半棄和尚原以與金剛中治蜀頗有方略宣撫司舊在綿閬間及胡世

將就居河池饋餉不繼剛中奏乞移司利州自是省費百萬常  
欲移屯一軍大將楊政不從呼政語曰剛中雖書生不畏死聲  
色俱厲政惧聽命都統每入謁必庭參然後就坐吳璘陞檢校  
少師來謝語聞史乞講釣敵之禮剛中曰少師雖尊猶都統副  
耳倘變常禮是廢軍容行禮如故奏蜀四川雜征又請減成都  
府路對羅及宣撫司激賞錢於階成二州營口抵秦州界凡三  
千餘頃歲收十八萬斛請弛夔路酒禁復利州錢監爲紹興監  
皆從之秦檜怒剛中在蜀專擅特置四川財賦總領官以趙不  
棄爲之不隸宣撫司不棄牒宣撫司剛中怒山是有隙檜陽召  
不棄歸因召剛中剛中語人曰孤危之迹獨賴上知之耳檜聞  
愈怒遂罷責桂陽軍居住再責濠州團練副使復州安置再徙  
封州卒

楊愿字原仲宣和末補太學錄二帝北還愿奔元帥府勸進辟  
爲屬高宗卽位歷越州判官秦檜薦之召改樞密院編脩官登  
紹興二年進士第累遷御史中丞踰月陞端明殿學士簽書樞  
密院事兼叅知政事仍兼脩玉牒備書檜靖康推戴趙氏建議  
始末未幾罷奉祠初高閔侍經筵帝問張九安否翌日又問檜  
檜疑閔所薦以語愿愿嗾御史李文會攻閔去滕州守臣言遷  
客李光作詩諷刺時政愿傳會其說再謫光文會既升西府愿  
出檜意稍厭効罷之後二日愿遂補其處愿希檜意附下罔上  
未幾亦斥天下快之尋起知宣州玉牒成加資政殿學士移建  
康府初愿守宣城表弟王炎調浙水令過之醉中謂愿曰嘗於  
昌丞相處得公頃歲所通書頗言秦丞相短尚記意否愿問之  
色如死灰遂留炎不聽去會愿移守宴監司大合樂守卒皆怠

炎卽青溪得客舟以行，愿憂撓卒。

勾龍如淵字行父，永康軍道江人。本姓勾芒，以避御名。改政和中，上舍登第。浮沈州縣二十年。張浚薦名試館職。紹興六年，除校書郎，歷起居舍人，常進所爲文三十篇。帝曰：「卿文極高古，更令平易盡善。」後因進對，帝復言：「文章平易者多淺，近淵深者多艱澁，惟用意淵深而造語平易，此最難者。」八年，兼給事中，同知貢舉。除中書舍人，兼侍讀，直學士院。初如龍憾趙鼎薦呂本中，遂極意擠鼎。羽翼秦檜，上命革鼎罷相，制言：「陛下旣罷鼎用人，才須聳動四方，當登進君子，黜小人。」帝問：「君子謂誰？」曰：「孫近。」李光小人，謂誰？曰：「呂本中。」也。又言：「臣觀朝廷事，非君臣情通，未必能濟。」大臣於事稍有過差，陛下可以訓飭之。陛下所欲爲勢有未可，大臣亦當明白辨論。然必陛下傾心與大臣先言，若不

先言卽大臣論一事不從尙未之覺至再至三必以爲陛下疎之或疑他人有以間之未有君臣之間動相疑間而能久於其位者帝曰前此未常有告朕如此者卿若見檜亦宜語此自是檜益信用及檜主和議舉朝內外非之如淵爲檜謀曰相公任天下大計而邪說橫起當擇人長臺諫使盡擊去此輩則事遂矣檜大喜卽擢拜御史中丞首言凡事必有初及其初而爲之則易無其端而發之則難陛下卽位渡江移蹕建康復還臨安此一初也今復獨任一相名用名士更事之當行弊之當革者此又一初也臣願以正紀綱辨邪正明賞罰謹名器審用度厚風俗去文具七者爲獻大率承迎上意阿附權臣以排陷正類帝因問在廷莫更有小人否對曰如趙鼎爲相盡廢紀綱乃竊賢相之名而去王庶在樞府盡用奸計亦因和議不合責直而



去劉大中以不孝得罪又竊朝廷美職而去帝曰卿何不論對  
曰目今士論見去一王庶名一孟庾已有一蟹不如一蟹之語  
願陛下不惜一人以伸公論其他容臣一一爲陛下別白於是  
出庾知嚴州又連論張蕡教復罷之時金使來議和踞甚受  
尊禮尚不決外議洎洎如淵同諫長李誼入對乞詔宰執就館  
見金使受其書納禁中人情始安九年奏名還曾開范同而罷  
施廷臣不允如淵疑帝有疎之之意自言和議之際臣粗有報  
國之忠今臣親老願求歸帝不許又奏臣向進君臣腹心之論  
陛下大以爲然其後檜在和議可否未決之間欲求去陛下頗  
罪之臣再三爲檜辨析今陛下與檜君臣如初而臣反若有讒  
愬於其間者帝曰朕素不喜讒卿其勿疑施廷臣因撫其指斥  
乘輿語帝謂廷臣罪小如淵罪大皆罷之檜復擬知遂寧帝曰

此人川心不端遂已兩奉祠卒年六十三子佃俱似

羅汝楫字彥濟歙縣人登政和進士監登聞鼓院遷大理丞刑部員外郎秦檜愛之拜監察御史還殿中侍御史論岳飛有異意其議曹朱芾李若虛不能諫正又言飛獄已具咸謂死有餘罪而寺丞何彥猷李若撲獨排衆議欲從輕典皆坐黜王庶謫道州郡丞孫行儉居以官牋汝楫論劾之且令庶徙居知鎮江劉子羽言和好非久計宜及閑暇爲備檜怒風汝楫論罷子羽遷起居郎兼侍講因進講春秋帝問大義或言有貶無褒此誼是否對曰春秋上法天道春生秋殺若貶而無褒則天道不具矣帝以爲然櫛中書舍人除右諫議大夫汝楫見獲罪頗多亦慮後患有南雄守奏對歸功和議謂太后之歸陛下得遂孝思當盡按前言和議不便者檜喜之驟用爲臺官中外悚懼多束

裴待造汝楫言宜以崇寧黨事爲戒事遂寢遷侍御史攝吏部  
尚書充國信使尋以龍圖閣學士知嚴州秩滿請祠卒年七十  
累贈開府儀同三司六子顯頤頤頤頤頤頤頤頤頤頤頤頤頤  
博學好古法蔡漢爲詞章高雅精練朱熹特稱重之有小集七  
卷爾雅翼二十卷知鄂州有治績以父故不敢入岳飛廟會當  
侍祠甫拜卒于像前

檄焯字仲暉永康人登政和進士調大明戶曹叅軍歷起居郎  
建炎初遷考功員外郎帝在建康焯謂今日之計當思古人量  
力之言察兵家知彼知己之論力可以保淮南則以淮南爲屏  
蔽權都建康漸圖恢復力未可以保淮南則因長江爲險阻權  
都吳會以養國力於是移蹕臨安擢右司郎中銓曹患員多關  
少自倖貳以下多添差焯言天下方多難宜效光武時併省吏

員今縱未能損其所素有安可置其所本無乎帝然之初紹興  
命宣諭陝西時諸路盡陷劉豫內有不從僞之人所籍貲產奏  
令勘驗給遷至東京檢視宮室尋謁陵寢至長安以背招還李  
世輔仍以便宜命郭浩帥郭延楊政帥熙河蘭鞏吳玠帥鳳翔  
焘欲盡移川口諸軍於陝西璘議不可而止還朝有言其妄自  
尊大又好貨失將士心者以親老乞歸省許給假迎侍仍賜金  
帶除資政殿學士知紹興過闕入見焘始附蔡京後與秦檜同  
朝爲翰林學士九年除簽書樞密院事兼權叅知政事尋爲李  
文會詹大方所劾與祠久之除知宣州卒年七十三諡襄靖  
范同字擇善建康人登政和進士宏詞二科累官吏部員外郎  
力主秦檜和議紹興八年假太常少卿接伴金使蕭哲張通古  
入境同北向再拜問金主起居軍民見者多流涕還累遷給事

中檜忠諸將難制同獻計請皆除樞府罷其兵權必無事矣適  
奉拓舉之捷帝喜歸功于檜曰諸將成不戰却敵之功乃輔弼  
奇謀及大將指縱之力各除一子職名因併召三大將論功行  
賞同與林待聘分草除世忠俊樞密使飛副使制並宣押赴樞  
府治事擢同翰林學士俄引爲叅知政事兼修實錄同於上前  
輒自秦事檜心忌之万俟卨因論同知政之初首爲遷葬之議  
自建康至信州調夫治道嗟怨籍籍近朝廷收天下兵歸之宥  
密同輒冒貪天功以爲己力遂罷政與祠檜意未已卨再論責  
授左朝奉郎祕書少監謫居筠州後復大中大夫知太平州卒  
年五十二

梁汝嘉字仲謨處州麗水人以外祖何執中任入官調中山府  
司議曹事知常州武進縣守薦其治狀擢通判州事加直祕閣

歷官轉運副使臨安關守火盜屢作命汝嘉攝守事脩火政嚴  
巡徼盜竄輒得火災亦息遂命爲真加直龍圖閣以稱職聞擢  
徽猷閣待制試戶部侍郎兼知臨安府進樞尚書兼江淮荆廣  
經制使汝嘉素善秦檜聞侍御史周葵將按之給中書舍人林  
待聘曰葵將論君待聘亟告檜徙葵起居郎葵出疏示待聘曰  
梁仲談何其幸也待聘始知爲汝嘉所賣士大夫以是薄之汝  
嘉求去以寶文閣直學士提舉太平觀未幾升學士知明州兼  
浙西沿海制置使更溫宜鼎三郡奉祠歸卒汝嘉長於吏治在  
臨安風績尤著

尹穉字少積本北地人建炎中歸南爲樞密編脩史浩王祖舜  
薦其博學有文名對賜進士出身孝宗獎用西北之士除監察  
御史擢右正言進侍御史穉阿附湯思退專主和議凡大臣不

悅者皆逐之論劾張浚跋扈罷其政事言國家事力未備不和  
奚待後將割四郡再易國書歲幣如所索之數而敵分兵入寇  
上意中悔稍乞置獄取不肯撤備及棄地者治其罪牽引凡二  
十餘人遷稍諫議大夫敵勢浸張遠近震動上書者力攻和議  
之失且言稍專附大臣甘爲鷹犬不顧公議相與表裏以成其  
姦罪當斬稍以廢黜去尋卒

王之望字瞻叔襄陽穀城人寓居台州自負有文藝幹略父剛  
登元符進士通判徽州卒之望初以蔭補登進士教授處州入  
爲太學錄遷博士久之出知荆門軍提舉湖南茶鹽改潼川府  
路運判成都路運副提舉四川茶馬薦赴行在除太府少卿總  
領四川財賦金人渝盟調度百出區畫無措之望搜抉隱匿至  
括民質劑米稅者得錢四百六十八萬緡衆咸怨之陞太府卿

孝宗卽位除戶部侍郎代虞允文川陝宣諭兼防守興州川口  
初陳康伯議罷德順戍兵允文力爭不從至是之望贊吳璘棄  
德順倉卒引退敵乘其後正兵三萬還者僅七千人連營慟哭  
聲震原野王大寶疏之望罪罷爲集英殿脩撰提舉興國宮未  
幾參贊江淮督府軍事力附和議與湯思退相表裏奏言人主  
論兵惟奉承天意臣竊觀之南北之形已成未易相兼我之不  
可絕淮而北猶敵之不可越江而南也當移攻戰之力以自守  
自守旣固然後隨機制變擇利而應之俄兼直學士院思退力  
主息兵奏除之望吏部侍郎以行尋召還首以守備不足恃之  
言動上上爲罷都督府擢之望淮西宣諭使右諫議大夫因上  
章言廷臣偏執已見專爲身謀乞明詔在廷平其心於議論之  
際蓋陰排張浚恢復之議爲思退地也拜參知政事兼同知樞



密院時敵兵交至淩楚守將或棄城遁上命往江淮勞師之望  
先遣書敵帥許割商秦地歸被俘人惟叛亡不預并世爲叔姪  
之國敵皆聽許講解而罷上聞敵師退令督府擇利擊之之望  
下令諸將不得妄進朝命趣行之望言不可冒小利害大計言  
言者論罷以端明殿學士奉典國宮祠居天台乾道元年起知  
福州兼福建安撫使捕海賊王大老捷聞加資政殿大學士移  
知温州卒

何澹字自然處州龍泉人自少美姿容善談論登乾道進士累  
官國子司業祭酒悉於榮進專事阿附與姜特立譙熙載厚得  
除兵部侍郎光宗內禪拜右諫議大夫兼侍講進御史中丞澹  
始與周必大厚憾必大不遷其官將劾之劉光祖語曰周丞相  
豈無可論第其門多佳士不可併及其所薦者澹不聽未幾澹

本生繼母喪禮寺言常解官行服澹引不遑事之文乞下百官  
雜議太學生喬嘉朱有成移書謂足下自長臺諫此綱常所係  
已經事父四十餘年一旦臨終反以爲生不遑事而不持喪可  
乎澹不得已始去終制除煥章閣學士知泉州移明州寧宗卽  
位復爲中丞怨趙汝愚不引已詆其廢壞壽皇良法美意又言  
專門之流學而爲僞願風厲學者專師孔孟不得自相標榜侂  
冑喜之連拜密院同知叅知政事兼知樞密院吳曦賄執政規  
帥蜀賄未及澹因持不可侂冑怒曰始以君肯相托廢黜僞學  
故汲引至此今顧立異耶以資政殿學士罷奉洞霄宮祠居快  
快失意嘗以書祈侂冑侂冑憐之進觀文閣大學士知隆興轉  
江淮制置大使知建康又徙知江陵奉祠歸其後兇黨俱竄逐  
澹以早退幸免優游散地幾二十年死贈少師

胡紘字應期遂昌人未達時嘗謁朱熹於建安熹待學子惟脫粟飯遇紘不能加異紘不悅語人曰此非人情雙雞尊酒山中未爲乏也遂亾去登淳熙進士京銓薦監都進奏院歷祕書郎韓侂冑擢爲監察御史時雖設僞學之日然未有誦言攻熹者及是紘獨抗論朱熹爲僞學罪首草疏將上會改官不果沈繼祖以追論程頤得爲察官紘遂以榮授之凡繼祖所論皆紘筆也寧宗以嫡孫行三年服紘奏止當服期詔集議皆不敢言於是釋服徙紘太常少卿使草定其禮既而從古親饗太廟皆紘使之紘旣解言貴恐諸賢再起復疏言比年以來僞學猖獗圖爲不軌動搖上皇詆誣聖德幾至大戾賴二三大臣臺諫出死力排之元惡殞命羣邪屏跡自御筆有救偏建中之說或者誤認倡爲調停之議取前日姦黨次第收用以冀幸他日不相報

復往者建中靖國之事可以爲戒陛下何未悟也宜令伏田里  
循省愆咎乃遷紘起居舍人詔僞學之黨權住進擬自是學禁  
益急進起居郎權工部侍郎移吏禮二部侍郎坐貢舉不當罷  
未幾學禁漸弛紘竟廢棄死于家 同時有高文虎字炳如閩  
從子自負博學登紹興進士調吳興縣簿嘗從曾幾游多識典  
故除國子正太學博士孝宗幸兩學祭酒林光朝訪文虎具儀  
注文虎輯國朝以來臨幸故事授之兼國史編脩實錄玉牒檢  
討官修神宗玉牒自熙寧以來盡取朱墨本刊正繆安一一研  
覈既奏御又修徽宗玉牒考訂宜和崇觀以來尤爲詳審寧宗  
卽位遷實錄院脩撰同脩國史韓侂冑用事旣逐趙汝愚朱熹  
以其門多知名士設僞學之目以損之遂命文虎草詔曰向者  
權臣擅朝僞邪朋附協肆姦宄包藏禍心賴天之靈宗廟之福

朕舊承慈訓膺受內禪陰謀壞散國勢復安嘉與士大夫厲精  
更始滌朋比德幾其自新而歷載臻茲弗迪厥化締交合盟規  
伺間隙毀譽舛迕流言間發將以傾國是而惑衆心甚至竊附  
於元祐之衆賢而不思實類乎紹聖之姦黨朕既深詔二三大  
臣與侍從言議之官益維持正論以明示天下諭告所抵宜各  
改視回聽毋復借疑似之說以惑亂世俗若其遂非不悔怙終  
不悛邦有常刑必罰無赦西掖詞命舊率以數人共一詞文虎  
以爲非所以崇訓戒贊人才也廼人人各爲之累遷華文閣學  
士知建寧府力丐祠提舉太平興國宮以臺臣言奪職卒文虎  
以博洽自負與胡紘合黨共攻道學久司學校專困遏天下士  
凡言性命道德者皆絀焉

林栗字黃中福清人登進士第孝宗時爲屯田員外郎恭王府

直講時金人請和約爲叔姪且以歸疆爲請栗上疏謂宗廟之  
讐而事之以弟姪其忍使祖宗聞之乎無唐鄧則荆襄有商寒  
之憂無泗海則淮東之備達於真揚海道之防徧於明越矣議  
者皆言和戎之幣少養兵之費多不知講和之後朝廷能不養  
兵乎且非徒無益而已與之旅幣是畏之矣三軍之情安得不  
懈弛歸正之心安得不攜貳爲今日計宜停使勿遣徐於境上  
移書諭以各守分界不煩聘使之往來各保疆場之無事焉用  
疲弊州縣以奉仇敵之使乎孝宗懲紹興權臣之弊躬攬權綱  
栗言人主蒞權大臣審權爭臣議權王侯貴戚善撓權者也左  
右近習善竊權者也至有以虛爲馬以雅爲鸞之語執政訴於  
孝宗謂林栗詆誣臣等臣實不願與之同朝乃出知江州以吏  
部員外郎召兼慶王府直講有旨令二王非時招延講讀官議

論時政期盡規益栗疏言漢武帝爲戾太子開博望苑卒敗太子。唐太宗爲魏王泰立文學館卒敗魏王太子諸王。惟以講經讀史爲事。他無預焉。除右司員外郎遷太常少卿除直寶文閣知湖州栗朝辭曰臣聞賈誼上書以一身喻天下之勢臣每見士大夫好論時事臣輒舉以問之今日國體於四百四病之中名爲何病能言其病者猶未必能處其方不能言其病而輒處其方其誤人之死必矣。聞臣之言者不忿則默間有反以詰臣卽對之曰今日之病名爲風虛其狀半身不隨是也。非但半身不隨而已。半身存者凜凜乎畏風邪之乘而不能以自安也。聞之醫曰中風再至者多不能救。臣愚有感於斯言竊謂賈誼復生爲陛下言無以易此歷知夔州加直敷文閣夔屬郡曰施州其羈縻郡曰思州施民譚汝翼者與知思州田汝弼交惡會汝

弼卒汝翼帥兵二千人伐其喪汝弼之子祖周深入報復兵交  
於二州之境施黔大震孝宗親札賜栗及成都制置使陳規曰  
如尙不悛未免加兵除其元惡時汝翼與官軍戰潰汝翼遁夫  
栗取其巨惡九人誅之田祖周懼與其母冉氏謀獻田業計錢  
九十萬緡以贖罪蠻微遂安旣而汝翼入都訴栗受田氏金栗  
辨其事尋坐栗擅格上命銷職罷歸未幾起廣南西路轉運判  
官累遷兵部侍郎朱熹召爲兵部郎官旣入國門以疾未就職  
栗與論易西銘不合遂論熹本無學術徒竊張載程頤之緒餘  
爲浮誕宗主謂之道學妄自推尊所至輒攜門生十數人習爲  
春秋戰國之態妄希孔孟歷聘之風繩以治世之法則亂人之  
首也今采其虛名將置朝列而熹遷延道途邀索高價旣得旨  
除郎而輒懷不滿傲睨累日不肯供職是豈張載程頤之學教



之然也。望將熹停罷姑令循省以爲事君無禮者之戒。上謂其言過當而大臣畏栗之強莫敢深論。太常博士葉適獨上封事辯之曰。考栗之解始末。參驗無一實者。其中謂之道學一語無實。最甚。蓋自昔小人殘害良善。率有指名或以爲好名。或以爲立異。或以爲植黨。近忽創爲道學之目。鄭丙唱之。陳賈和之。見士大夫有精務潔修粗能操守。輒目以是名。殆如喫菜事魔。影迹犯敗之類。陰用此術廢敗正人。栗爲侍從無以達陛下之德意而更文致言語。逐去一熹。固未甚害。第恐自此游辭無實。讒言橫生。善良受害。無所不有。旣而胡晉臣劾罷之。出知泉州。改明州奉祠。卒。栗強介有才論事雄辯可觀。晚節性狷急欲快其私忿。遂至得罪名教。爲萬世惜。

程松字冬老。池州青陽人。登進士。調長興尉。知錢塘縣。諱事嚴。

帥吳曦以結侂冑聞侂冑愛姬被出以百千市之盛其供帳舍  
諸中堂夫婦奉事惟謹未幾侂冑意解復召姬具言謹待之意  
侂冑大喜除松幹辦行在諸軍審計司守大府寺丞未聞旬遷  
監察御史轉右正言左諫議大夫劾呂祖泰罪當誅決杖流之  
滿歲未遷意殊怏怏復獻一妾于侂冑名曰松幹問其故荅曰  
欲使賤姓名常蒙記憶爾除同知樞密院事自宰邑至執政纔  
四年開禧元年拜資政殿大學士知成都兼四川制置使決議  
開邊期以二年四月分道進兵命爲宣撫使與元都統制許便  
宜從事令松將東軍三萬駐興元副使曦將西軍六萬駐河池  
松至益昌曦往迎聞欲松資以執政庭叅之禮及境而返抽摘  
所用自衛軍一千八百松殊不悟有告曦叛者松哂以爲狂俄  
金人取成州守將棄關遁曦焚河池還興州松以書從曦求援

兵勝紿言鳳州非用騎之地漢中平行可任驅馳當發三千騎  
往未幾金封曦爲蜀王遣書諷使去松懼不知所爲興元帥劉  
甲茶馬范仲任見松謀起兵誅曦松恐事泄取禍亟揖使去會  
謀言金兵且至百姓奔走相蹂躪一城如沸松亟望米倉山遁  
去由閬州順流至重慶以書抵曦丐贖禮買舟稱曦爲蜀王望  
見曦使愧贖以匣封疑其爲劍大恐亟奔他所使追及之啓視  
皆金寶也乃兼程出峽喜曰吾今獲保首領矣詔祇落職貶順  
昌節副筠州居住徙澧州再責果州團練副使安置賓州死  
張巖字肖翁大梁人徙揚州紹興禾渡江居湖州爲人機警柔  
回善諧登乾道進士歷官監察御史阿附韓侂冑誣逐當時賢  
者嚴禁道學進殿中侍御史遷給事中嘉泰初叅知政事以言  
能爲資政殿學士知平江俄升大學士知揚州已而名復叅政

占宇文氏賜第濱竄之日訟者百數朝命毀其廬

朱熠溫州平陽人端平二年武舉第一遷閣門舍人差知沅州  
改橫雷二州陳垓論降一官久之帶御器械兼幹辦皇城司差  
知興國軍改文階爲度支郎官拜監察御史疏言境土日賊賦  
歛日繁官吏日增調度日廣景德慶曆以三百二十餘郡之財  
供一萬餘員之俸今以一百餘郡之力贍二萬四千餘員之官  
邊鄙則有科降支移內地則賴經常納解欲寬民力必汰冗員  
不取擢右正言殿中侍御史兼侍講遷侍御史寶祐六年進左  
諫議大夫劾沿江制置呂好問黃州之役貪酷悞事詔視職是  
其拜端明殿學士簽書樞密院事十一月同知院事開慶元年  
拜叅知政事阿附賈似道擢知樞密院事景定元年度宗位東  
宮熠與沈炎同兼太子賓客俄出知慶元兼沿海制置使奉祠

爲御史胡川虎張桂常楨相繼糾劾送處州居住咸淳四年自  
便尋卒煇言論如狂遇人輒噬彈劾最多一時名士若徐清叟  
呂中尤煇馬廷鸞皆不能免沈炎字若晦嘉興人登寶慶進  
士調嵯縣薄廣西經略準備差遣湖南安撫司幹辦公事計郴  
寇有功改知金華縣歷遷樞密院編脩擢監察御史按劾高斯  
得李曾伯劉子澄吳潛皆公論不與獨論罷丁大全及其黨與  
差合人心景定初累官同知樞密院權叅知政事以資政殿學  
士提舉洞霄宮致仕卒贈少保

李鳴復字成叔澠州人與金淵俱登嘉定進士權發遣金州幹  
辦并安撫司公事諳事制使鄭損得薦于朝歷遷大理少卿與  
淵同附史嵩之爲羽翼適鄭清之議張天綱獄迎合從輕拜侍  
御史叅侍講進對言荆襄制臣有當戒者三去私禁暴懲怒皆

非要切嘉熙初累官至知樞密院事加大學士賜衣帶鞍馬出  
知福州兼福建安撫使淳祐四年復叅政事尋予祠御史蔡次  
傳劾鳴復與劉伯正進善類退蠶州里詔落職罷祠卒于嘉  
興金淵字淵叔臨安人官太學博士歷遷監察御史論曹陶  
項寅孫遷右正言累官至端明殿學士同簽書樞密院事侍御  
史劉漢弼論淵尸位妨賢罷政予祠劉應起又論落職遷徙十  
一年妻盛氏愬于朝量移平江而死

弘備錄卷一百五十六

明刑部員外郎仁和弘齋邵經邦學

皇清翰林院侍講學士四世孫遠平校閱

庶官 宋大之一

王景子廷 王晏侯章附 郭從義曾孫承祐 武行德 王彥超

白重贊 王仁鎬 陳思讓孫若抽 侯益子仁矩 向拱

焦繼勲子守節 李璵 郭璵 李繼勲弟繼 趙晃子廷

孫行友兄方諫子全照 盧懷忠王繼勲 史珪 田欽祚

閻守恭 李萬超 張鐸孫珪 杜漢徽 張廷翰

蔡審廷 周廣 張勲 陸萬友

折德宸父從阮子御勲御卿孫惟昌惟忠曾孫繼

王景萊州掖人家世力田景少偶儻善騎射不事生業結里中

惡少爲羣盜梁大將王檀鎮滑臺以景隸麾下與後唐莊宗戰河上有功莊宗入汴景降累遷奉聖都虞候清泰末從張敬達圍晉陽會契丹來援景以所部歸晉祖天福初授相州刺史范延光據鄴叛屬郡多爲所脅景獨分兵拒守晉祖嘉之累遷洺州團練使開運初授侍衛馬軍左廂都校契丹南侵少帝幸洺淵景與高行周等大破契丹衆于戚城拜橫海軍節度使契丹至汴以其黨代景景歸次常山問契丹主俎卽問道歸鎮斬關而入漢乾祐初加同平章事會契丹饑幽州民度關求食至滄州境者五千餘人景加意撫綏詔給田以處周祖微時與景善及卽位加兼侍中景起身行伍素無智略然臨政不尚刻削民頗便之廣順初入朝部民數百人遮留至有殺其馬銓者俄以護國軍節度遷鎮鳳翔顯德初封褒國公加開府階世宗卽位



加兼中書令先是秦鳳陷蜀州旁蕃漢戶詣闕請收復世宗命  
景與向拱率兵出大散關進討連陷砦柵遂命景爲西而行營  
都部署大破蜀軍于上邽斬首數萬級是歲秦州降逾年徙鎮  
秦州兼西而緣邊都部署恭帝卽位進封涼國公宋初加守太  
保封大原郡王建隆二年春來朝太祖宴賜加等復以爲鳳翔  
節度西而緣邊都部署四年卒年七十五贈太傅追封岐王諡  
元靖初景奔晉時妻坐戮二子逸而免晉祖待之厚賞賜萬計  
嘗問景所欲景再拜曰臣昔爲卒嘗負胡牀從隊長出入屢過  
官妓侯小師家意甚慕之今妻被誅誠得小師爲妻足矣晉祖  
大笑卽以小師賜景景嬖之後累封楚國夫人景性謙退折節  
下士每朝廷使至雖卑位必降階送迎曰人臣重君命固當如  
是子廷訓至驍衛大將軍致仕廷義起家供奉官改如京副使

以善騎射周世宗擢爲虎捷都虞候遷都校領珍州刺史朱初  
改內外馬步軍副都軍頭命與韓重贊護治滑州靈河新隄增  
治京城又命董其役開寶初從征太原親鼓士乘城矢中其腦  
經宿卒年四十七太祖甚惜之優詔贈建雄軍節度廷審性驕  
傲好夸誕每言我當代王景之子聞者笑之因目爲王當代  
王晏徐州勝人家世力田晏少壯勇無賴嘗率羣寇攻劫旁郡  
梁宋大亂鄰邑皆爲他盜所剽惟晏鄉里獲全後唐同光中應  
募隸禁軍累遷奉國小校晉開運末與本軍都校趙暉忠衛都  
校侯章戍陝州會契丹至汴遣其將劉愿據陝恣行暴虐晏與  
暉等共殺之懸首府門外衆請暉爲帥章爲副指揮晏內外巡  
檢使兼都虞候遣其子漢倫奉表晉陽時漢祖雖建號威聲未  
振得晏等來歸甚喜卽授暉保平軍章鎮國軍皆節度使晏終

州防禦使領舊職既而暉等表晏始謀功第一遷建雄軍節度使漢祖入汴加同平章事周祖加兼侍中宋初進封趙國公從征李筠改節安遠軍乾德元年轉封韓國公終太子太師致仕年七十七免朝贈中書令侯章并州榆次人乾祐初加同平章事移鎮邠州無善政傲上剝下以貪狠聞建隆元年授太子太師封楚國公卒

郭從義其先沙陀部人父紹古與後唐明宗情好款狎同事武皇忠謹特見信任賜姓李氏莊宗山北角蓄從義宮中與諸子齒卽位補內職累遷內園使晉天福初復原姓內艱北歸遂家太原歷漢周加兼侍中鎮徐州宋初守中書令太祖征揚州迎謁於路乾德二年轉河中尹護國軍節度使以疾歸京師改左金吾衛上將軍以太子太師致仕卒年六十三贈中書令從義

重厚有謀略多技藝善飛白書子守忠至閑廐副使守信字寶  
臣頗知書與士大夫游至東上閤門使知邢州孫世隆比部員  
外郎曾孫昭祐閤門祇候 承祐字天賜娶舒王元偁女初授  
西頭供奉官仁宗卽位歷遷西上閤門副使坐盜御酒及用尙  
方金器除名岳州編管復起勾當右驛院性狡獪緣東宮恩  
又憑藉王親官至宣徽南院使判應天改知鄭州卒贈太尉  
武行德榆次人身長九尺材貌奇偉家貧負薪遇晉祖犯郊外  
見其所負倍常令力士更負皆不能舉高祖奇之因留帳下天  
福初授奉國都校收控鶴指揮使寧國軍都虞候契丹擾汴被  
獲德行僞請自效契丹信之令率軍校載什物鎧甲送歸北庭  
挈舟數十泝汴至河陰相與潛謀曰我輩受國厚恩本以剴敵  
今反爲所制與其離卿并投邊塞爲異域之鬼曷若與諸君共

守河陽俟敵兵退視天命所屬歸之以圖富貴皆應曰諾卽共殺契丹監使分授器甲由汜水倍道抵河陽僞節度崔廷勳出兵來拒行德麾衆逆擊自旦及午廷勳大敗棄城走遂據河陽雖以府庫分給將士因推行德知州事屬士卒繕甲兵據上游士氣益奮人望歸之間漢祖起自稱河陽都部署遣弟行友由問道奉表勸進授河陽三城節度使廣順初遷河南尹西京留守時鹽禁甚嚴有僧從民姬鬻蔬關吏希賞令僧密實鹽筐中姬持入城吏擒以送府行德覺其誣釋姬斬僧及關吏數輩部下凜然宋初加中書令封韓國公改節忠武軍進魏國公移鎮安州加開府儀同三司入爲太子太傅太平興國三年致仕卒年七十二贈太師

王彥超臨清人父重勗光祿卿致仕宋興復爲太子太傅彥超

性溫恭謹能禮賢下士少事後唐魏王繼岌曆晉漢周累官  
節度使兼侍中太祖與彥超素舊嘗往依之不納受禪加兼中  
書令因幸作坊召侍宴射酒酣道故事彥超降階頓首曰勺水  
豈能容神龍耶帝大笑翌日奉表待罪遣中使慰諭乾德二年  
移鎮鳳翔開寶初來朝與武行德郭從義白重贊楊廷璋俱侍  
曲宴從容語曰卿等皆國家舊臣久臨劇鎮王事鞅掌非朕所  
以優賢之意彥超知旨前奏曰臣無勲勞久冒榮寵願乞骸骨  
歸丘園行德等陳夙昔戰功及履歷艱苦帝曰此異代事何足  
論遂與偕罷時議以此許之外艱起復右金吾衛上將軍判街  
仗事太宗封邠國公加太子太師致仕卒年七十三贈尚書令  
每戒諸子曰屢爲統帥殺人多已身得免爲幸必無陰德以及  
後汝曹勉爲善事庶可以自庇後果無甚達者孫克從咸平元

年及第亦止於州縣

白重贊憲州樓煩人其先沙陀部族少從軍有武勇漢初自散  
貝都虞候三遷護聖都指揮使領端州刺史周祖轉鄭州防禦  
使廣順中授義成軍節度使值河決親部丁壯塞大程六合二  
堤詔書褒美世宗征劉崇以功改鎮保大軍征太原又改河陽  
三城檢校太尉宋初加檢校太師改涇州燕人李玉與重贊有  
隙密令部下圖承恕市馬纓偽造制書誣重贊以構逆都校陳  
延正封其書以聞太祖大駭驗視謬妄命陳思誨馳赴涇州禽  
玉及承恕鞠問伏罪擢延正領刺史以賞之加重贊泰寧定國  
二軍入爲左千牛衛上將軍奉朝請卒年六十二

王仁鎬邢州龍岡人後唐明宗時署牙校累遷右領軍軍衛將  
軍晉漢間歷昭義天雄節度副使周祖表爲副留守預謀起兵

卽位爲王峻所忌出爲唐州刺史遷棣州團練使入爲右衛大將軍宣徽北院使兼樞密副使顯德初爲永興軍節度使世宗卽位移安國軍安國爲仁鎬故鄉郡民扶老携幼迎於境上獻錦袍者四仁鎬皆重衣之酬以金帛視事翌日省其父祖墓周視松楸涕泗嗚咽時人榮之郡有盜仁鎬遣人諭之悉遁去恭帝移山南東道宋初加檢校太師建隆二年以疾召還次唐州卒年六十九性端謹儉約酷信釋氏爲從事劉謙所責歛容遜謝時稱長者

陳思讓字後已盧龍人父審確仕後唐至晉歷權利州節度終金州防禦使思讓初隸莊宗帳下補右班殿直晉改東頭供奉官以功領獎州刺史歷磁衛道三州漢初移淄州同祖陞磁州爲團練卽以充使俄權絳州防禦使遷安國軍節度觀察留後



改義成軍恭帝授廣海軍節度使宋初加檢校太傅歷保信護  
國二軍河中尹皇子德昭納其女爲夫人卒時年七十二贈侍  
中生平累歷方鎮無敗政身歿之後家無餘財然酷信釋氏第  
思誨至六宅使子欽祚累遷香藥庫使長州刺史 孫若拙字  
敏之幼嗜學祖令持書詣晉邸應對詳雅太宗將授以府職懇  
辭登進士甲科解褐將作監丞通判鄭州擢右贊善大夫知單  
州能于政事就除太常丞充鹽鐵判官與陳恕不協出爲西川  
運副疏決益州繫囚入爲司封度支二員外郎轉工部郎中河  
東鄆州朝議徙城以避水患遣若拙與閭承翰往規度尋權京  
東轉運發卒塞王陵口河平真授轉運使拜刑部郎中知潭州  
若拙意本望三司使因失所望言父母年老求納制命上怒黜  
知處州徙溫州代還改兵部郎中河東轉運使賜金紫祀汾陰

運所部緡帛芻粟十萬輸河中以助費經度使陳堯叟言其幹  
職擢右諫議大夫知永興軍時鄰郡歲饑許其貿易民賴以濟  
移知鳳翔入拜給事中知澶州勤于政治郡民列狀乞留天禧  
二年卒年六十四錄其子映爲奉禮郎

侯益汾州平遙人世業農以拳勇隸唐祖麾下莊宗攻大名征  
劉守光破洛州入汴皆從遷馬前直指揮使領潘寧費三州刺  
史晉初召爲奉國都校領光州防禦河陽三城武寧軍節度使  
同平章事徙鎮秦州拜開封尹漢祖卽位加兼侍中隱帝議出  
師禦周祖益見天時不祥士卒無鬪志與焦繼勲等乘夜謁降  
廣順初封楚國公改太子太師進齊國公宋祖卽位遣賜器幣  
來朝以耆舊厚待之廣德初郊祀詔綴中書門下班禮與丞相  
等卒年八十贈中書令子仁愿金吾衛大將軍孫延濟西京作

坊使仁遇內園使仁興右屯衛將軍 仁矩從父歷潞徐秦三  
鎮皆爲牙校討張從賓首犯賊鋒以功領蓬州刺史開運初爲  
璉瑛使天平行軍司馬漢初授陽州刺史至郡決滯訟民情悅  
服周改左羽林將軍出爲泗州刺史轉通州兼屯田鹽鐵監使  
宋初歷祁雄二州刺史治軍有方略經數郡咸有善政卒年五  
十六 子延廣字延之進士及第從父補通祁雄三州牙職契  
丹數十騎白晝入雄城居民驚擾延廣引數騎馳出射殺其酋  
悉擒以獻詔書褒美賜錦袍銀帶補西頭供奉官太平興國初  
直脩永昌陵出護延州軍兼緣邊巡檢善撫士卒人樂爲用遷  
閣門祇候求可使微巡者近臣言無出其右乃以崇儀副使充  
同都坊延丹緣邊都巡檢使戎人聞其至不敢復爲寇耀州叛  
卒劉渥嘯聚謀入京兆關右騷然延廣率兵自問道追及於富

平西十五里與渥相持渥素憚延廣揚言無得與亡卒爭命延  
廣怒挺身與鬪斷渥右臂大破其衆事平拜崇儀使李繼遷始  
擾夏臺命領獎州刺史知靈州賜金帶名馬護李繼隆軍討趙  
保忠旣而平夏臺縛保忠手詔褒美師還改延州鈐轄以延帥  
田重進老耄就命同知州事監軍康贊元害之誣曰延廣素得  
邊情恐後僞強難制召還未至繼遷復寇靈州密院錢若水稱  
其可使拜寧州團練使再知靈州兼兵馬都部署賜白金仍歲  
增俸給值戎人塞道郵傳不通延廣獨引數十騎之鎮敵素服  
其威名相率引避去尋被病遣醫馳視卒年五十上聞出涕賜  
賻甚厚錄子紹隆六品正員東染院使帶御器械孫宗亮右侍  
禁閤門祇候仁寶趙普妹壻以蔭任太子中允虞多遜構難  
出知邕州太平興國中上陳取交州之策太宗大喜令馳驛召

入多遜又沮之命掌交州水陸計度轉運使遇賊援兵不繼遂死特贈工部侍郎錄其子延齡至殿中丞延世太子中舍

向拱字星民河內人始名訓少倜儻負氣以策干漢祖不納客周祖門下任知客押牙卽位歷宮苑皇城宣徽南院三使世宗時以功兼義成淮南武寧歸德山南東道五節度使恭帝加檢校太師河南尹西京留守宋初加兼侍中仍領河南征李筠至汜水迎駕言宜急濟大河踰太行乘其未集而誅之若緩則勢張難爲力矣帝從其言卷甲倍道趨之乾德初從郊祀封譙國公在職十餘年軍府廢弛太祖怒移鎮安州代以焦繼勳太宗進封秦國公來朝授左衛上將軍判左金吾街仗事卒年七十五贈中書令子德明至洛苑使昱祥符八年進士孫悅虞部郎中咸平中復錄其孫懌爲國子助教

焦繼勲字成績許州長社人少有大志晉祖鎮太原謁見與語  
悅之留帳下歷皇城宮苑武德三使又領齊州防禦宣徽北院  
秦州觀察使漢初授保大軍周改彰武軍皆節度使宋初召爲  
右金吾并前衛上將軍乾德三年權知延州四年判右街仗爲  
西京留守京城肅然將幸洛命董役脩洛陽宮車駕還嘉其幹  
力召見褒賞移節彰德軍仍知留府事卒年七十八贈太尉繼  
勲涉獵史傳頗達治道所至有善政然性吝嗇多省公府用度  
時論少之 子守節字秉直初補左班殿直選爲江淮南路探  
訪使還奏稱旨擢閣門祇候往西川討平李順餘寇高溪州蠻  
內寇命往圖方略還言西川回險非我師之利詔許招納咸平  
甲置江淮荆湖路兵馬都監以守節爲之討西夔州蠻論以大  
義脩長悔過內附因爲畫界定約而還還閣門通事舍人監香

藥權易院真宗時累宮苑皇城副使使契丹還遷東上閣門使加棗州刺史歷知襄鄧汝三州以右神武大將軍致仕卒

李瓊字子玉幽州人祖傳正涿州刺史父英涿州從事瓊幼好學涉獵史傳依後唐莊宗與周祖等十人結爲兄弟各刺臂出血誓曰凡我十人龍蛇混合異日富貴幸無相忘瓊時心知周祖決非常人情好尤密一日過瓊見其危坐誦讀問何書瓊曰此閭外春秋所謂以正守國以奇用兵較存亡治亂記賢愚成敗皆在于此周祖令讀之自是出入袖以自隨後討河中令瓊叅軍事事平授朝散大夫大理司直歲中遷太子洗馬鎮鄴爲大名少尹廣順初拜將作監充內作坊使賜金紫連知亳陝二州改濟州刺史世宗初遷洺州團練安州防禦使治郡尚寬簡宋初召爲太子賓客建隆三年上章請老改右驍衛上將軍致

引金  
卷一百五十一  
仕卒年七十三贈太子少師

郭瓊平州盧龍人祖海本州坑冶使父令奇盧臺軍使瓊初以  
勇力聞事契丹爲蕃漢都指揮使後唐天成中挾族來歸明宗  
以爲亳州團練使改商原階三州刺史晉天福中連領滑坊虢  
衛日州陽城之役戰功居多轉沂州時契丹陷中原盜賊竊起  
山東爲甚間瓊威名相率遁去漢乾祐中周祖召權知宗正卿  
事世宗時歷絳蔡齊三州防禦使宋建隆三年告老加右領軍  
衛上將軍致仕歸洛乾德二年卒年七十二瓊雖起卒伍而所  
至有惠政尊禮儒士孜孜樂善蓋武臣之賢者

李繼勲元城人周祖領鎮選績帳下補禁軍列校累遷虎捷左  
廂都指揮永州防禦使侍衛步軍都指揮使領昭武軍節度使  
恭帝改授安國軍檢校太傅宋初加檢校太尉平澤潞朝于行



在移節昭義軍以禦太原率師入河東燔平遙縣俘獲甚衆建  
隆二年敗并軍千餘斬首百級獲遼州刺史傅延彥并弟延勳  
來獻乾德二年詔與康延詔尹訓率步騎萬餘攻遼州太原將  
郝貴超領兵來援戰于城下大敗之州將杜延韜危感與拱衛  
指揮冀進兵馬都監侯美藉部下兵三千送款於繼勳卽遣內  
供奉慕容延忠入奏詔褒之未幾并人誘契丹步騎六萬復來  
取遼遣繼勳與羅彥環郭進豐彬等領衆六萬赴之大破契丹  
及太原軍于城下加同平章事從征河東以爲行營前軍都部  
署敗北漢軍于太原城又敗之于渴河駕至分軍繼勳柵其南  
班師歸移鎮大名太平興國初加兼侍中以太子太師致仕卒  
年六十二贈中書令性質直崇信佛氏累歷藩鎮無善政與太  
祖有舊故特承寵遇子守恩如京使守元北作坊使守徽崇儀

副使 弟繼僱亦以武勇補內殿直開寶中爲步軍副都軍頭  
太平興國間歷遷龍衛右廂都指揮使領獎州團練使卒

趙鼎真定人長七尺儀貌雄偉初事杜重威爲列校周祖鎮鄴  
委質麾下卽位擢作坊使與宣祖分掌禁軍有宗盟之分世宗  
時累虎捷左廂都指揮閭州防禦使恭帝加檢校太傅宋初常  
加優禮進檢校太尉處方鎮以賄聞未幾卒年五十二太祖甚  
悼之贈太子太師再贈侍中 子延溥以蔭補左班殿直宋初  
爲鐵騎指揮使駕征晉陽太宗守京延溥以所部爲帳下牙軍  
卽位遷散指揮都虞候領恩州刺史太平興國二年轉內殿直  
馬步軍都虞候從平太原略地燕薊六軍扈從有後期者帝怒  
欲寘之法延溥諫而止入爲日騎天武左右廂都指揮使兼權  
殿前都虞候坐市竹木賁登州團練使是冬帝北巡復除防禦

范質等謀曰江陵四分五裂之國今出師湖南假道荆渚因而下之此萬全策也即拜懷忠前步軍都監荆湖平以功遷內酒坊使乾德二年改判四方館事知江陵府王師伐蜀以供億勞頓遷客省使俄使江南歸途遇疾卒年四十九錄其子熙爲校書郎王繼勳陝州平陸人廣順初領汾州刺史充晉磁隰等州緣邊巡檢歷憲麟石磁四州刺史宋初遷磁州團練使坐行兵失律致荆罕儒陷責授右監門衛率平荆襄命權知道州州境與廣南接劉銀屢引兵入寇繼勳因上嶺表可圖之狀王師南伐以爲賀州道行營馬步軍都監平生有武勇在軍陣常用鐵鞭鐵槊鐵槌軍中目爲王三鐵

史珪洛陽人晉嚴衛指揮使暉子少以武勇隸軍籍周顯德中遷小校宋祖領禁衛給事左右受禪以爲御馬直隊長四遷馬

步軍副都軍頭兼控鶴弓弩大勳都指揮使開寶六年領殺州  
刺史太祖初臨御欲周知外事因令博訪珪廉得數事驗之皆  
實信以爲然由是漸肆威福至民市物有不當者亦告其欺罔  
上曰事在詔前一切不問後始不復敢言又嘗伺便言知德州  
梁夢昇繩切貴族意圖去之上詰所從珪曰知邢州郭貴告之  
上知貴所爲不法曰夢昇真清強吏也卽以爲左贊善大夫珪  
譖旣不行居常怏怏出爲光州刺史歲饑開倉賑糴全活甚衆  
太宗卽位轉揚楚等九州都巡檢使征太原與彰信節度劉遇  
攻城北面幽州之役例坐失律責授行軍司馬數月召爲右衛  
將軍領平州刺史督浚惠民河自尉氏達京師九十里數旬而  
畢民咸便之又率龍猛騎兵五百捕獲江淮盜麴謀首等改隰  
州刺史知保州靜戎軍上緣邊便宜十五事皆施行之珪多智

數好以甘言小惠取譽於人故所至嘗不忍其去卒年六十一  
田欽祚潁州汝陰人漢虢州團練使令方之子初任殿直改供  
奉官世宗征淮南爲前軍都監還領禁兵護塞澶淵決河督治  
澶州城宋初遷閣門通事令人討蜀監北路先鋒乘傳往來宣  
達機事孟昶降奉捷書馳奏遷西上閣門副使并人寇樂平欽  
祚從羅彥瑛拒之獨以所部三千擒副將一人俘獲甚衆以功  
遷閣門使又與何繼筠破賊于石嶺闕領賓州刺史判四方館  
使契丹寇中山以爲定州路兵馬都部署與戰遂城自旦及晡  
殺傷甚衆馬中流矢踣得騎士王超馬奮起復戰敵解去廷議  
征江南遣欽祚往覘還奏令旨所得寶貨幾三十萬首命率騎  
軍先赴江陵拜昇州西南路行營馬軍兼左廂戰棍都監敗吳  
軍馮餘于溧水斬其主帥李雄擒裨將二人進圍金陵爲南面

攻城部署江南平領汾州防禦使太平興國初遷引進使晉州都鈐轄敗太原驍將楊業於洪洞縣斬首千餘級獲馬數百賜白金令市宅石嶺關之戰復爲先鋒與主帥郭進不協賊兵奄至欽祚閉壁自守去復不追又所受月俸多販鬻規利爲部下所訴責授睦州團練使車駕北巡以爲幽州西路行營濠砦都監改房州團練使真任柳州嶺外多瘴表乞生還上憐之移郢州在郡二年入覲改銀夏綏宥都巡檢使召還會征幽州時已被病命與郭守文爲排陣使卒欽祚性陰狡剛戾負氣多所忤犯尤不喜儒士好狎侮同列人多惡之子承誨供奉官閤門祇候承說崇儀副使

閻守恭榆次人父榮侗儻有志略劉繼元招之辭以母老不就太原平從徙大名因家焉守恭自幼體貌奇偉應郭進募隸拱

聖軍權殿前押班咸平中從幸河北以功歷三衛指揮使累遷  
德州永興軍兵馬鈐轄性沉毅御軍嚴肅雖家居如對賓客常  
師郭進所爲所得俸祿悉散予人後徙并代路卒

李萬超太原人幼孤貧負販供母應晉祖募隸軍籍稍遷軍校  
嘗從李守貞討楊光遠奮勇先登飛石中其腦又從杜重威拒  
契丹於陽城流矢貫其手神色自若以功遷肅銳指揮使晉末  
契丹入中原萬超以本部屯潞州張從恩棄城遁郡務皆契丹  
使領之萬超憤然謂部下曰我輩垂餌虎口苟延旦夕之命耳  
若殺契丹使共保其城非止逃生亦足以建勲業衆喜皆聽命  
遂率所部大譟入府殺其使推前驍衛將軍王守恩爲帥漢祖  
聞之使史弘肇往諭曰得復此州公之力也今欲殺守恩以公  
爲帥何如萬超謝曰殺契丹使推守恩蓋爲社稷計爾若賊人

以自利豈宿心乎弘肇大奇之表爲先鋒馬步軍都指揮使率兵渡河路經澤州刺史翟令奇堅壁固守萬超馳至城下語曰今契丹北遁天下無主并州劉公仗大義定中土所向風靡豈早圖之令奇乃開門納降弘肇卽留萬超權州事拜爲刺史周祖開國以功授洛州團練使收秦鳳平淮南連移斬登二州所至有善政會均田租有前牟平令馬陶隱苗不實命繫之境內肅然宋初入爲驍衛大將軍開寶入年卒年七十二

張鐸河朔人少以材武應募漢初爲奉國軍都指揮使領澧州刺史周祖鎮鄴以所部從行及起兵預焉廣順初累授鎮國軍節度使郊恩加檢校太傅宋初加檢校太師鎮涇州舊取馬值及擅借公帑錢事發太祖以宿舊釋不問罷鎮爲左屯衛上將軍奉朝請判左金吾街仗駕征河東以爲京城內外都巡檢卒



年七十二贈太傅子熙載至千牛衛大將軍 孫禹珪字天錫  
粗知書有方略幼事太宗藩邸卽位補東西班承旨改殿直帶  
御器械以材勇擢居禁衛殿前都虞候咸平初授內殿直領恩  
州刺史出爲滁州刺史知洺瀛二州兼兵馬鈐轄徙嵐州西人  
勒厥麻叛率衆討之俘六千餘人獲名馬草畜甚衆景德初授  
高陽關行營副都部署契丹請和還守臣武幹能鎮靜邊郡者  
擢知石州徙代充涇三州禹珪頗勤政治瑞麥生獄空進詔嘉  
獎河決率人徙障塞不甚爲害王旦使充還言其狀優詔褒獎  
就拜洺州團練使尋知廣信軍天禧初卒年五十九

杜漢徽長安人太原威勝軍使阿孫之子有膂力善騎射年十  
七爲後唐武皇廳直隊長累遷護聖使入晉有功遷典廩議聖  
指揮使贈父左贊善大夫由漢入周累有功補龍捷都虞候移

所部屯安平縣宋初補本軍都校領茂州刺史改領潮州從平  
太原江南錄功居多建隆三年出爲天長軍使移天雄軍知屯  
田事漢徽在戎行四十年大小百餘戰被病家人勸其就醫不  
聽卒

張廷翰冀州信都人周兵部郎中慎圖之子少慷慨有智略善  
騎射晉天福中冀州刺史張建武召補牙校代者李冲復署本  
州牢城軍校契丹入中原署何行通爲刺史會契丹主道殂州  
人共殺行通推廷翰知州事漢初就拜刺史爲政寬厚簡易民  
甚愛之廣順初召赴闕周祖見其貌魁偉謂樞密王峻曰冀州  
近邊雖更擇人無踰廷翰者在郡八年契丹將高牟翰數擾邊  
廷翰擊走之宋富於財歲遣人齎金帛入北市善馬貢獻外悉  
遺貴近甚獲美譽顯德中歷棣海沂三州團練使屢率兵敗淮

人移萊州宋初歷莒亳二州乾德二年卒年四十七

蔡審廷磁州武安人曾祖凝邢州別駕祖綰武安遠城二冶使父頽洺州長史審廷少能騎射晉初應募補護聖散都頭顯德初擢爲殿前散員遷軍使宋太祖從世宗征淮南隸麾下預戰紫金山改副指揮使卽位授殿前散都頭指揮使攻澤州先登爲飛石傷足賜以良藥美酒車駕還京幸其署問之賜賚加厚尋轉內殿直都虞候領富貲二州刺史征太原爲北面步軍都指揮使屯易州訓練士卒甚整太祖過鎮陽見於行在賜名馬寶劔命爲鎮州兵馬都鈐轄開寶八年卒年六十九

周廣字大均應州神武川人父密事晉歷鄜延晉三鎮節度使至太子太師致仕廣幼從父爲牙校漢初累擢衛將軍充鎮淮軍兵馬都監從征淮南得江北數州命廣勞來安集民甚德之

連領常眉二州刺史兼內外馬步軍都軍頭宋初改隰州刺史  
乾德三年遷潘州團練使令訓練雄武諸營征太原爲攻城樓  
櫓戰櫓都部署師還改右屯衛大將軍領郡如故太平興國二  
年卒

張勳洛陽人晉開運中事留守景延廣爲典客表授供奉官世  
宗以爲緣淮巡檢因採淮南機事以聞卽命監光州軍後攻黃  
州敗吳人於麻城復破柘梁山砦遷內閣副使征瀛莫以爲霸  
州兵馬都監宋初征李筠遣前軍拔大會砦入太行破澤州皆  
有功還京命權知許州討李重進拔揚州遷瓊瑤使討朗陵充  
前軍兵馬都監以功就拜衡州刺史乾德初克郴州及桂陽監  
以爲刺史兼監軍使五年代歸至揚州卒年六十八太祖憐之  
錄其子廷敏爲殿直勳殘忍好殺每攻破城邑揚言且斬衡州

民稱爲張且斬

陸萬友蔚州靈丘人少隸太原爲裨校漢祖擢護聖指揮使周祖起兵預謀踐阼擢散員都指揮使領獎州刺史世宗時累遷鄆州防禦使宋初歷沂斬二州改汝州討南唐命守采石磯浮梁事平遷和州防禦使太宗以爲晉絳等州都巡檢使從征太原克汾石二州就除石州都巡檢使兼知石州移巡警鳳翔秦隴代歸改知瀛州在郡二年政務苟簡尋改右監門衛大將軍充河陰兵馬都監卒年七十三性猛暴以武勇自任所至無善政太宗以其勲舊恩遇不習聘其次女爲許王夫人

折德晟世爲雲中望族自晉漢以來獨據府州控扼西北中國賴之祖嗣倫麟州刺史父從阮初名從遠字可久爲人溫恭長者居父喪以孝聞唐莊宗鎮太原署牙將俄領府州刺史晉末

契丹敗盟以兵攻之取城堡十餘就陞本州團練使領朔州刺史安北都護振武軍節度使周祖徙宣義保義靜難凡三鎮卒贈中書令德辰初爲府州團練使署靜難馬步軍都校世宗建府州爲永安軍拜節度使顯德中率師攻下河市鎮斬并軍五百入朝以弟德愿權州事又破并軍于沙谷砦斬其將郝章張釗世宗南征還至通許橋德辰迎謁請遷內地以其累得將情不許厚加賜資遣之建隆二年來朝待遇有加遣歸鎮乾德元年敗太原軍于城下擒其將楊璘卒年四十八贈侍中子御勲字世隆初表右職領汾州團練使權知府州太祖征太原謁于行在授永安軍留後兩從郊祀來朝擢泰寧軍節度使留京師卒年四十贈侍中次子御卿幼補節院使署本州兵馬都校歷開府副使知府州太宗征河東與尹憲同攻嵐州擒其軍

使拆令喬遂下嵐州又殺憲州刺史霍翊擒將馬延忠等七人獻于朝擢崇儀使四遷府州觀察永安軍節度使至道元年契丹將韓德威誘党項勒浪鬼族自振武犯邊御卿引兵邀擊大敗之於子河以斬首五千殺獲馬千匹勒浪等乘亂反擊德威僅以身免殺突厥太尉司徒舍利等獲吐蕃首領一詔遣使嘉之歲餘被病德威率衆來報斬馬步軍都軍頭孫贊于軍御卿力疾出戰其母密諭令歸荅曰世受國恩不敢愛死矧臨敵棄戎不祥乃死於軍年三十八贈侍中子惟正爲洛苑使知州事弟惟昌繼之咸平二年河西黃女族長蒙異保及本部覲訛引趙保吉之衆入寇麟州萬戶谷進至松花砦弟供奉官惟信率兵赴戰沒焉保吉黨方私保移埋復來寇惟昌與宋恩恭劉文質合戰敗走之又破言泥族焚其器甲車帳俘斬甚衆以功

領富州刺史改文思院使景德元年復與王萬海等護芻糧抵  
麟州入朔州界破狼木砦契丹方圍崙嵐軍聞敗遁去拜興州  
刺史祥符二年表求赴闕真宗命與近臣宴射苑中復命引兵  
援河東糧時已得疾屯于寧遠軍卒年三十七 弟惟忠字蓋  
臣初補西頭供奉官擢閤門祗候知府州兼郕府路都巡檢使  
再遷簡州團練使天聖中契丹與夏國會兵聲言嫁娶惟忠詗  
知其實率麾下往備戒毋輕動一夕風霾有騎走營中驚以爲  
寇至惟忠堅卧不動徐命擒之得契丹所縱誕馬數匹卒贈耀  
州觀察使子繼宣嗣州事坐苛剋劾罷擢其弟右侍禁繼閔爲  
西京作坊使嗣州事 繼閔字廣孝慶曆中元昊進圍州城緣  
東南水門厓壁微徑魚貫而前城險且堅矢石亂下轉攻城北  
士卒復力戰賊死傷甚衆引去以勞遷宮苑使普州刺史自元



吳友招輯歸業者三千餘戶卒弟繼祖嗣 繼祖字應之由右  
侍禁遷西染院皇城二使成州團練使臨政二十餘年奏乞書  
籍仁宗賜以九經韓絳發河東兵城囉兀命爲先鋒深入敵帳  
降部落戶入百加解州防禦卒子當襲請以授兄之子克柔詔  
從之而進其三子官錄二孫爲借職 弟繼世少從軍爲延州  
東路巡檢先謀知嵐名山內附遣其子克懃報种誘取綏州復  
以騎步萬餘軍于懷寧砦入晉祠谷往銀川分名山之衆萬五  
千戶居于大理河夏人來攻再戰皆捷與名山同守綏州錄功  
領忠州刺史說韓絳城囉兀以鎮撫橫山因盡取河南之策皆  
用之以左驍驍使果州團練卒諸司使例無賻禮上謂繼世捍  
邊有功特給之 繼閔子克行字遵道初仕軍府未知名种誘  
拒夏人于環慶詔河東出師爲援克行請往誘使以兵三千護

伯道戰于葭蘆川先登斬級四百降戶千馬畜萬計諸老將稱  
爲眞折太尉子擢知府州秦兵討夏國克行與張世矩將河外  
軍抗章先驅卽委晉鑰而西大會咩保吳良以萬騎來蹕克行  
爲後拒度賊半度隘縱擊大敗之殺咩保吳良王中正出塞又  
先拔宥州折氏每出必勝夏人畏之益左廂兵專以當折氏太  
原孫覽議城葭蘆諸將論多不合召克行問策克行卽頓兵吐  
渾河約勒部伍爲深入窮討之狀敵疑不敢動役旣訖又入津  
慶龍橫川斬級三千詔河東進築八砦通道廊延帥遣蔡希  
甫來議欲由近及遠克行曰不然事有奇正今乘士氣之銳所  
利在速故當出其不意先築遠者若徐圖之士心怠矣卒用其  
策城果成在邊三十年善拊士卒戰功最多官至秦州觀察使  
卒贈武安軍節度使子可大爲榮州團練使知州事從子可

適未冠有勇馳射不習而能郭達薦補殿侍諫延州從种諤出  
塞敵將易其年少索與鬪可適斬其首而還自是益知名米脂  
之役與夏人戰三角嶺得級多又敗之于蒲桃谷東兵久不得  
食有千人聞于軍門可適諭曰爾輩何不爲父母妻子念而甘  
心異域鬼耶皆回面聲喏各遣歸遇夏人十萬入寇先令謀者  
訪其烽卒姓名詐爲行視首領呼出盡斬之烽燧不傳因卷甲  
疾趨大破之于尾丁磴回次惶楊溝正午駐營分撲西山料敵  
必躡其後率所部纔八千轉戰至高嶺從間道趣洪德設伏邀  
其歸路敵至伏發衝之其國母踰山而遁焚棄輜重并帷帳首  
飾之屬衆相蹈藉死者如積論前後功至皇城使成州團練使  
知岷與蘭州并鎮戎軍渭帥章楙合熙秦慶三道兵築好水川  
副總王文振失道千人盡死歸罪可適下之吏哲宗貸其死削

十三官棊請留以責效乃以權第十二將令密圖夏曾嵬名阿  
埋昧勒都通可適謀知二酋以畜牧會境上遣兵乘夜往襲俘  
其族屬三千遂取天都山帝爲御文德殿受賀以其地爲西安  
州遷東上閣門使充涇原鈐轄知州事真拜和州防禦使進明  
州觀察使爲副都總管會鍾傳行邊爲敵所隔可適以輕騎扳  
之歸傳議同環慶出師取靈武帝以訪可適對曰得之易守之  
難當先侵弱其地待吾藩籬旣固然後可圖帝是其言進武安  
軍節度觀察留後步軍都虞候城蕭關又與傳議齟齬傳因踏  
口覆師劾可適貶鄭州觀察使俄知衛州拜淮康軍節度使與  
轉運使議不合中以疑謗召爲佑神觀使踰年復知渭州卒年  
六十一子彥質紹興中累官至簽書樞密院卒

弘簡錄卷一百五十六

終

弘簡錄卷一百五十七

明刑部員外郎仁和弘齋邵經邦學

皇清翰林院侍講學士四世孫遠平校閱

庶官 宋六之二

李穀 李濤孫仲容 高防 吳廷祚子元載 趙贊

張藏英孫劉載 程羽 張錫 馮璣

邊翊 王明 許仲宣 喬維岳 楊克讓子希周孫日嚴

段思恭 孔永恭 侯陟 魏丕 舒元子知雄等

王晉卿 郭延謂子延清 吳皮裕 劉福

張保續 侯贊 石職

李穀字惟珍其祖父咸居洛經黃巢亂川廬蕩盡徙居潁州汝陰穀長八尺容貌魁偉勇力善射以任俠為事頗為鄉人所困

發憤從學一覽如宿習登進士連辟華秦二州從事歷晉漢周  
爲開府儀同三司封趙國公旣貴訪得舊趾復求歸洛周祖詔  
改所居鄉爲賢相鄉里爲勲德里爲人厚重剛毅深沉有城府  
雅善談論預知耶律德光必死每議政事辭氣明暢人主爲之  
聳聽人有難必救有恩必報護聖指揮白再榮利李崧和凝家  
財已奪其貲復欲殺之以滅口毅力止之喜汲引寒士有劉德  
輿者饒材幹署爲中牟主簿後至顯位毅素與韓熙載交厚各  
有所志熙載嘗言若江東相我我當長驅以定中原毅笑曰若  
中原相我下江南探囊中物耳周祖聞其名倚以爲相世宗伐  
淮南令范質王溥就毅謀毅手疏親征有必勝之利者三卒如  
所料李昉被病在淮求歸毅視之曰子他日官爵祿秩當如我  
後果至司空扈載以文章名毅言其命薄慮不克享未幾卒值

宋祖革命造人就賜衣帶器幣昭義李筠遺錢五十萬他物稱是嚴受之坐是憂恚而卒年五十八贈侍中子吉至補闕拱太子中允

李濤字信臣本唐敬宗子郇王瑋十一世孫祖鎮臨濮令父元將作監丞朱梁革命懼禍避地湖南依馬殷從兄郁仕梁爲閤門使言于朝詔歸京師補濤河陽令後唐天成初登甲科拜監察御史遷右補闕入爲起居舍人晉天福初改考功員外郎史館修撰至翰林學士拜侍郎同平章事張彥澤入京濤自慶不免往見爲俚語云自投死彥澤笑而釋之周初起爲太子賓客歷刑戶二部尚書宋初拜兵部尚書卒年六十四贈右僕射生平慷慨有大志以經綸爲已任工爲詩筆札迴媚性滑稽善諧謔未嘗忤物居家以孝友聞子承休水部郎中孫仲容字儀

父登甲科除大理評事知三原縣擢監察御史爲殿試考官真宗問題義對稱旨詔試中書擢左司諫直史館天聖中爲起居郎知制誥累遷右諫議大夫翰林侍讀學士兼龍圖閣學士終戶部侍郎性醇易不與物忤對人言未嘗及勢利弟惟勤景德三年詣闕詔授許州司士參軍早卒仲容字諸孤如已子世稱長者然於吏事非其所長自集制草爲冠鳳集十二卷

高防字脩已并州壽陽人累世將家父從慶戍天井關與梁軍戰死防年十六護柩歸事母孝好學善爲詩張從恩留守北京奏爲判官性謹厚守禮從恩益重之薦授國子監丞召拜殿中丞充鹽鐵推官復爲從恩鄆晉潞三鎮判官及契丹入汴晉主北行從恩欲歸款防爲陳逆順大義請固守臣節不從漢祖召防赴太原加金部郎中爲浚儀令周祖改令開封遷本府少尹



世宗尹京卽爲判官太祖還自陳橋以防家爲里民所略詔賜綾絹衣服袞褕鞍馬征李筠爲潞州東北路計度轉運使筠平拜尚書左丞賜銀器綠帛鞍馬建隆二年出知秦州州境與夏人雜罔知教養防至則齊之以刑舊俗稍革西北多陽鎮古伏羌縣地多產材木夏人利之防議建採造務闢地數百里築堡要地自渭而北與彼自渭而南歸我募卒守之歲獲巨木萬章夏部酋長尙波于等率諸族千餘人涉渭奪木殺役兵防出與戰俘四十七人以獻太祖慮擾邊郡詔諭酋帥所獲之俘賜而遣之罷採木之役命吳廷祚代歸爲樞密直學士復知鳳翔府卒年五十九太祖悼惜錄于延緒爲太府寺丞

吳廷祚字慶之太原人事周祖爲親校歷莊宅副使內軍器庫皇城二使知懷鄆二州世宗遷右羽林衛將軍充客省宣徽北

院二使判河南府歷東西二京留守時汴河屢決督丁壯塞之  
 增築堤防自京城至臨淮數千里又決鄭州原武縣患亦隨止  
 遷授左驍衛上將軍檢校太傅充樞密使宋初加同中書門下  
 三品仍兼樞密使議征李筠延祥言潞城險且阻太行恐未易  
 破筠素勇輕敵若速擊之使離上黨來邀我戰猶獸亡其藪魚  
 脫於淵因可擒矣太祖定議親征命爲留守兼判開封征李重  
 進又爲留守時掌樞密有年帝欲均勞逸建隆三年擢雄武軍  
 節度使資詔赦尚波于等夏人感悅以伏羌地來獻乾德二年  
 改鎮京兆開寶四年長春節來朝遇疾車駕臨問卒年五十四  
 贈侍中爲人謹厚寡言性至孝居母喪絕水漿累日兼好學聚  
 書萬卷治家嚴肅六子元範元慶皆禮賓副使元吉開門祗候  
 元輔字正臣好學善筆札以蔭補供奉官宋初授左驍衛將

軍澶州巡檢使累官定州鈐轄卒年四十八 元載建隆初授  
春坊通事舍人賜緋魚袋從父鎮秦雍補衙門都校加閤門祇  
候與母賓古使契丹擢西上閤門副使出知陝州徙秦州捕民  
李益伏法遷閤門使領富州刺史改知成都王小波亂棄城坐  
責郢州團練使移單州以疾授左衛將軍致仕卒年五十三子  
昭德昭遜昭普並閤門祇候昭明守仁內殿崇班昭允昭矩太  
子中舍元展尚公主

趙贊字元輔祖德鈞父延壽皆見遼記贊幼聰慧七歲能誦書  
後唐明宗愛之與諸子外孫數十並育于六宅稱爲令器贊舉  
神童詔以都尉之子太尉之孫克彰庭訓特賜及第仍附禮部  
春榜久之延壽奏署牙職值晉祖起延壽將忠武兵屯上黨德  
鈞將盧龍軍來會父子俱降晉契丹銅之北去贊獨與母留西

洛天福三年晉祖仍命奉母歸薊門契丹畧贊金吾將軍數年  
延壽節度范陽將謀南侵委之以征及平原陷贊復爲河中節  
度使未幾漢祖起奉表勸進加檢校太尉仍鎮河中尋改京兆  
尹復鎮晉昌軍懼漢疑已潛謀歸蜀判官李恕諫止卽遣恕詣  
關申理乞哀求覲漢祖納之入朝命爲左驍衛上將軍仕周歷  
左右羽林左龍武三統軍世宗南征初遣巡警壽州城外歸京  
留諸將分兵圍壽春贊獨當東面諸將戰不利贊能持重自秋  
涉冬未嘗挫衄及再征壽春命副韓令坤造橋渦口以通濠泗  
移兵趣濠贊親督力戰拔其羊馬城刺史唐景思死焉圍練郭  
延以城降詔書褒美淮南平以功授保信軍節度使視事之日  
盡去苛政務從寬簡居民便之恭帝加開府階宋初移忠正軍  
檢校太師預平維揚改鎮延州許以便宜行事乃分置步騎前

後不絕氈渾來迎者望見旌旗綿屬無不懌服開寶元年移建  
雄軍征太原以爲邠州路部署討晉陽爲河東道行營前軍馬  
步都虞候車駕薄城并人自突門潛犯贊皇贊率衆擊之弩矢  
貫足勢問數四賜以良藥又改鎮鄜州太宗時進封衛國公卒  
年五十五贈侍中贊容止閑雅接士大夫以體馭衆有方略爲  
政雖無異跡而吏民畏服亦近代之賢帥也

張藏英范陽人唐相嘉貞後唐末舉族爲賊孫居道所害藏英  
年十七僅以身免後逢居道於幽州市引佩刀刺之不殊爲吏  
所執節帥趙德鈞壯之釋而不問以補牙職聞居道道闕南求  
爲都巡檢使至則微服携鐵槌潛匿舍側伺居道出擊仆於地  
先齒其耳噉之擒以歸設父母位縛居道筵前號泣鞭之繼其  
肉三日戮心以祭徐詣官首服詔免死燕蘇問目爲報仇張率

子契丹聞其名用爲盧塞軍使兼制置權鹽傾坊州刺史廣順三年率內外親屬并所部兵及資鹽戶泛海至滄州刺史李暉以聞周祖未卽納令館于封禪寺賜襲衣銀帶錢絹器鞍馬世宗授德州刺史召對便殿詢以備邊之策請於深州李晏口置砦誘境上亡命以隸軍願爲主將得便宜討擊詔從之除緣邊招收都指揮使賜名馬金帶令募勁兵數千築城李晏口會鳳翔王彥超巡邊爲契丹所圍卽率新募兵馳往擊之契丹解去改濮州刺史宋初遷瀛州團練使并護關南軍建隆三年卒於治所年六十九子育蔭補供奉官孫鑑字德明幼習學登進士官大理評事監秦州柴墟權務升右贊幣大夫知婺州遷著作郎監察御史決獄江左頗雪冤滯歷殿中侍御史太宗討幽州極言不可時以燕人沮議非之後果驗命掌左藏判三司

度支請併三部憑由催欠爲一從之李惟清薦其能擢江南轉運使建議割瑞州清江吉州新淦袁州新喻三縣置臨江軍時以爲便名選特被慰獎累遷樞密直學士掌三班詔磨勘供奉官以下校其殿最以爲沮勸會三司奏分左右計鑑以爲非便尋詔復舊張詠奏王季思討蜀治軍無政遣鑑與作坊使馮守規往訊鑑言益部新復軍旅不和若驟聞使命慮猜懼變生不測請假臣安撫之名上稱善至卽遣戍卒出境令麾下使臣東還督繼恩分部殘寇招輯反側事平拜左諫議大夫久之五路進兵討西夏令乘傳往環州與李繼隆議送芻糧入靈州詔以軍法從事饋運頗集還言關輔民窮力盡靈州僻居絕塞實中夏憂區願陛下以賜繼恩稍息飛輓之役無使重勞真宗遷給事中工部侍郎出知廣州羣蠻數擾鑑召會衆諭以威信

皆俯伏聽命民條其政績上請刻石溪洞移知朗州徙相州有  
芝草生于監牧之室鑑表其祥以爲河朔弭兵欵附之兆優詔  
荅之景德初卒年五十八子士廉爲殿中丞士宗太子洗馬士  
成屯田員外郎

劉載字德興范陽人六世祖濟府盧龍節度使父昭下蔡令載  
登後唐清泰進士晉初歷校書郎著作佐郎賜緋由左拾遺拜  
集賢殿直學士漢初爲殿中丞侍御史內艱服闕判京西留臺  
改倉部員外郎嘗製爲君爲相爲將去讒納諫五論頗爲文士  
所稱世宗初擢知制誥顯德三年拜右諫議大夫與拾遺鄭起  
博士李寧同校道書遷給事中使許州定田租賜金紫爲魏王  
符彥卿加恩使宋初命護役浚五丈河自陳橋達曹州之西境  
建隆四年貝州節度張光翰來朝命權知州事還知貢舉乾德



初學建安樵貨務六年爲江南國主生辰使詔選令知鎮州坐  
與何繼筠不協改山南東道行軍司馬十年不召嘗受詔權點  
檢州事太平興國初復入爲給事中三年出知襄州六年代還  
告老改工部侍郎致仕卒年七十一平生教尚名節好學博通  
史傳善屬文嘗受詔撰明憲皇后諡冊文又作弔戰國賦萬餘  
言行於世子宗言賜出身至北部郎中宗望景德二年進士及  
第祥符四年其孫介上載文集以試將作主簿

程羽字冲遠深州陸澤人少好學能屬文登晉天福進士授陽  
穀簿歷虞鄉醴泉新都三縣令皆有政績開寶中遷爲兩使判  
官入對太祖詢以時事對稱旨擢著作郎出知興州改知興元  
府歸闕以本官判開封性淳厚蒞事恪謹太宗尹京待以長者  
卽位爲三司使轉給事中知開封未幾出知成都爲政寬簡蜀

人便之入拜禮部侍郎上欲優以清職以爲文明殿學士即泰  
寧坊營第以賜太平興國五年典試貢士得人居多六年拜兵  
部侍郎致仕卒年七十二贈禮部尚書子希振以蔭至虞部員  
外郎

張錫閩縣人梁末棧州刺史劉君鐸辟爲軍事判官棧爲郢之  
屬郡有趙務郢帥主以牙將頗橫恣民有趙三斤欲寘于死君  
鐸不能救旣而牙將私遣事覺錫判曰趙犯三斤求生不克麥  
盜百斛免死誠難送寘牙將于法同光末樅知州事趙在禮反  
瀕河諸州多構亂錫卽出省錢賞軍皆大悅一郡獨全棧人賴  
之後爲淄川令不畏強禦專務愛民刺史有所徵不荅頗以爲  
怨及代白其事於宰相馮道知錫介直奏擢監察御史出爲陝  
虢觀察判官晉開運二年拜右補闕歷遷司門駕部二郎中並

以清節聞周顥德中以老疾授右諫議大夫致仕宋初改給事中范質嘗兄事之館於別墅以執政之門不欲久處往依鄉人鄧州觀察判官黃保緒建隆二年六月卒于襁下

馮瓚字禮臣歷城人父知兆後唐司農卿蔭補校書郎爲諸城令歲滿授右贊善大夫性便佞任數務巧進漢初改監察御史周遷殿中侍御史宋初轉兵部郎中加金紫太祖見其風神俊爽善談論有吏材甚寵任之擢左諫議大夫知舒州蜀蒲魚鱉之稅徙知廬州時劾外初平除樞密直學士知梓州蜀校上官進率亡命掠民攻城瓚度烏合之衆必無固志持重以待城中止有雲騎兵三百令分守城門自坐城樓密令促其更籌夜尚未分輒擊五鼓賊聞悉遁去因縱兵追擒斬於市餘黨誘遣之境內獲安太祖言瓚有奇材嘗欲用瓚爲趙普所忌陰伺其

過坐以金帶珍玩賂晉府劉罄乃削籍流配海島凡十年開寶末赦還太宗卽位授左贊善大夫時以帑藏充溢命分左藏庫爲三令與員外買貲中補闕程能分掌之賜金紫尋改度支判官親征太原以判隨駕三司凱旋改大理卿兼判祕書省以足疾致仕卒年六十七子克忠至內殿崇班閤門祇候

邊珣字待價華州鄭人曾祖頡石泉令祖操下邳令父蔚太常卿珣晉天福進士官祕書郎直洪文館入漢爲右拾遺加朝散大夫周遷右補闕轉起居舍人改庫部員外郎知通州宋初令詣衛州視秋稼掌京師倉庾建隆二年爲洛陽令兄玘以吏部員外郎爲河南令兄弟迭尹赤縣時人榮之乾德初召爲倉部郎中蜀平知三泉縣開寶初遷職方郎中監京兆趨務掌永安軍樞貨務奏徙務揚州有富民以私憾訴廣陵尉謝圖詔珣案

勅得實反坐就命權攝州事兼掌酒稅鹽礬務母憂起復知州  
事征江表兼領淮南轉運使金陵平知江北諸州轉運事太宗  
遷吏部郎中賜金紫移廣南轉運使桂州守張頌淮州人也病  
卒僕從分匿家財珣召官吏追取歸其孥柩有郡守與護軍忿  
隙珣奏令易地不致之罪太平興國五年代歸拜右諫議大夫  
領吏部選事七年移知開封卒年六十三珣精力有吏材帝方  
欲倚用歎惜數四賻錢絹疋至金部郎中弟玠石贊善大夫從  
子倣殿中丞倚比部員外郎俊尉氏主簿

王明字如晦大名成安人應舉不第原州刺史藥元福辟爲從  
事及領陳州防禦事多咨明旣又奏署建雄軍節度掌書記賜  
緋魚後移鎮陝元福恃功驕恣明數以直諫忤其左右因謝去  
詣闕上書求任州縣歷清平鄆城二令宋初佐高繼冲幕復掌

武寧軍書記乾德初詔近臣舉清白有吏幹者給事中馬士元薦召爲左拾遺蜀平遷知榮州代歸遷右補闕征嶺南爲荆湖轉運使開寶間復爲隨軍轉運嶺南路險絕舟車不通明但以丁壯轉遞供億不闕每下一城必先收簿齊守倉庫旣而賀州未下明謂當悉攻之恐援兵至則勝負未可知諸將頗猶豫明乃擐甲胄率所部護送卒百人擁丁夫數千荷舂鍤溝溝壑直抵城門城中懼開門納款遂據有之因抵廣州賊衆十餘萬拒戰是夕大風發屋折木明獻計選丁壯人持二炬間道先擣賊壘大軍尋食以待俄頃萬炬皆發焚其外柵賊驚犯大軍因逆擊之斬首數萬銀以城降捷聞上嘉其功擢祕書少監領韶州刺史仍充轉運徧歷部內視民疾苦奏除無名科歛代歸太祖召見勞問賜襲衣金帶鞍馬復以爲黃州刺史密授成算

令完葺城壘訓練士卒無何王師自荆潛順下以爲池岳江路  
巡檢戰權都部署破鄂州軍萬餘斬首三百級殺江南七百人  
拔樊山砦又破江州軍獲船十餘艘敗湖口軍奪戰艦五百遇  
南唐將朱令贄領衆將焚采石浮梁帝恐金陵圍解亟令率所  
部舟師屯獨樹口密樹長木於洲浦間若帆檣狀令贄望見果  
疑大軍襲其後逗撓不敢進明移檄諸軍相爲犄角至小孤山  
合勢大破之擒令贄卒大半皆赴水死金陵平詔明安撫諸郡  
擢知洪州太宗卽位兼領江南諸路轉運使召爲右諫議大夫  
充三司副使判鹽鐵事遷給事中雍熙四年改光州刺史移并  
州代還進禮部侍郎契丹擾邊出知真定府淳化初歸闕卒年  
七十三子挺扶並進士及第挺至殿中侍御史扶直集賢院工  
部員外郎任轉運皆知名景德初錄幼子揆爲光祿寺簿至殿

中丞祥符八年錄孫師顏爲三班借職

許仲宣字希榮青州人漢乾祐進士周顯德初投濟陰主簿考功員外郎張乂薦爲淄州團練判官宋初赴調引對便殿氣貌雄偉太祖悅之擢太子中允知北海軍旣至度其山川形勢地理廣袤可爲州郡畫圖上之升爲濰州朝議建牧馬監令行視頗得善地從征并州掌給納四十餘州資糧悉能集事帝知其彊幹擢爲荆南轉運還兼南面隨軍轉運兵數十萬供饋無闕錄功拜刑部郎中升殿獎諭賜緋未幾出知永興軍太宗驛召赴闕轉兵部郎賜金紫授西川轉運使屬西南羣寇邊仲宣親至大渡河諭以逆順威福羣人率服有言其江表時乾沒官錢召還御史鈞校無有欺隱改廣南轉運使會征交州大將孫全興等失律奏罷其兵不待報卽以兵分屯諸州開庫賞賜草檄



書以諭交州待其欵附然後上章待罪帝嘉之南郊迺吏部郎  
陞右諫議大夫未幾權度支出知廣州移江陵河南遷給事中  
卒年六十一仲宣性寬恕偶儻犯而不校有心計造次不撓時  
以爲難子待用國子博士待問及第至殿中丞待旦比部員外  
郎待用子巨源亦登進士

喬維岳字伯周陳州南頓人治三傳周顯德初登第授太渕簿  
遷平輿令開寶中薦爲太子中舍知高郵軍通判揚常昇三州  
改殿中丞太平興國初徙襄州丁內艱值陳洪進子文顯領泉  
州留後朝議擇能臣關掌郡事起爲泉州通判會仙遊盜起率  
衆數萬來攻城中兵裁三千勢甚危急監軍何承矩王文寶欲  
屠其民燔府庫而遁維岳抗議以爲朝廷寄以綏遠今惠澤未  
布盜賊連結反欲屠城豈詔意哉承矩等因共堅守旣而楊克

讓宰相州兵破賊圍遂解詔褒之代歸爲淮南運副遷右補闕  
進運使淮河西三十里山陽灣水勢湍悍運舟多覆詔維岳規  
度開故沁河至淮陰磨盤口四十里北至淮陰凡五堰又於三  
斗門于第三堰二門相距踰五十步覆以厦屋設懸門積水俟  
潮平泄之建橫橋岸上築土累石以固其址自是往來無滯按  
部泗州有囚死罪逮獄其母年八十餘維岳哀而釋之坐贖金  
罷使職權知楚州遷戶部員外郎度支判官轉郎中復爲兩浙  
轉運使歷知懷滄二州眞宗尹京召爲開封推官儲閣建兼左  
諭德轉太常少卿及踐祚命權知開封拜給事中知審官院以  
體肥艱於拜趨乞外授海州刺史移蘇壽二州卒年七十六贈  
兵部侍郎錄孫世昌獻之並同學究出身維岳明習吏事有治  
劇才王欽若始舉進士預知其貴又善待陳彭年自刺郡連奏

爲通判皆稱薦之

楊克讓字慶孫同州馮翊人洪州都督公略玄孫少好學手寫  
經籍盈笥多收圖畫墨跡晉末劉繼勳辟爲戶曹掾漢乾祐中  
表授張彥成節度掌書記周廣順初從鎮安陽又奏其材可用  
入爲執金吾彥成死未葬不忍受祿退居別墅以俟外除時論  
多之歷鎮寧掌書記調鳳翔司錄叅軍加監察御史祖母老解  
官歸養未幾改延州觀察推官節度趙贊素敬禮之累加朝散  
大夫兼殿中侍御史以家難去太祖知其名命起復爲左補闕  
掌斬口樵貨務乾德六年知果州乞歸裏事特賜緡錢許葬畢  
赴任開寶三年就命爲西川轉運副使蜀民懷其善政璽書褒  
美代歸疏利病十事稱旨召升殿賜坐勞問面賜金紫征南唐  
知昇州行府及平就知州事兼水陸計度轉運使加兵部員外

郎太平興國初進刑部郎中知大名府會錢俶陳洪進歸土以爲兩浙西南路轉運使討平賊數萬徙知廣州兼市舶使卒年六十九歷官廉謹幹局所至有聲每視事自旦至暮或通夕斷決如流略無凝滯當時稱爲能吏子希閔字無間生而失明聽諸弟讀經史輒不忘尤善屬文趙普守西洛委草府中牋疏奏署府掾固辭不受優加給贈繼者張齊賢李沆薛惟吉張茂宗皆厚待之卒年三十九有集二十卷自教三子皆登進士日華都官員外郎至太常少卿三司副使日休殿中丞日嚴字垂訓初試校書郎歷知襄廬鄆三州開封判官使契丹還除兩浙運副青徐饑改京東運使請轉江淮陝西粟五十萬以賑貧民開清河八十里並堤起倉廩以便漕運加直史館徙益州轉運更江淮制置發運使歷三司戶部度支鹽鐵副使太常少卿出

知河中府加樞密直學士知益州奏罷元昊用兵時析戶版爲十等第賦役又止陝西收市益梓利路溪洞馬民頗信愛之入判太常司農事同知審官院卒希甫淳化三年進士至屯田員外子日宜亦進士

段思恭澤州晉城人曾祖約定州司戶祖泉神山令父希堯與桑維翰同在晉祖幕府累歷清顯思恭以門資入官素不知書無學術爲鎮國軍節度判官更歷吏事所至亦著勤績天福中父任棣州刺史兼鹽禁制置使解官待養奉章入貢改四門博士賜緋開運初出爲華商等州觀察支使劉繼勳辟掌書記繼勳朝京會契丹入汴軍士誼請思恭爲州帥思恭諭以禍福固拒止之漢祖授左補闕隱帝時蝗詔徧祈山川疏乞令諸州速決重刑無致淹濫必召和氣從之歷度支駕部員外郎周顯德

中定濱州田賦世宗嘉之賜金紫外艱服闋更左司員外建隆三年除開封令遷金部郎中判眉州值凶命集衆攻州城思恭率屯兵與戰振作士氣許以厚賞諸軍買勇擊賊走之思恭矯詔給以上供錢帛度支請按之太祖不許卽命知州事毋憂起復考功郎中知泗州俄代馮繼業知靈州帝語曰靈州非衛霍名將不可對曰臣奉詔而往必能效治帝壯之賜窄衣金帶及錢二百萬又以塗泚諸部別齎金帛遣之卅下車矯繼業之失緩撫夷落訪求民病久之遷右諫議大夫知揚州與通判李岩相告責授太常少卿知宿州太宗遷將作監知秦州發通判王廷範擅用和市事又降少府少監知邢州郊恩復舊官尋知壽州改陝州卒年七十三子惟一至太常博士三司度支判官從子惟幾進士兵部員外郎

孔承恭字光祖五世祖載見唐忠節昭宗東遷出京兆徙河南  
曾祖迴萊州刺史祖昌庶虞部郎中父莊晉諫議大夫累世皆  
登進士承恭自少疎縱長能折節自勵以門蔭授祕書正字歷  
溫與安豐二縣主簿王審琦奏攝壽春節度推官府罷調補鄭  
州錄事參軍入爲大理寺丞獻宮詞託意求進太祖怒其引喻  
非宜能免歸田太宗赦復舊官監西京酒麴歲增課六千萬遷  
大理正議獄平允擢庫部員外郎屯田兵部二郎中同考校京  
朝官課第疏請州縣長吏詢訪耆老求知民間疾苦吏治得失  
上皆行之端拱三年初置九寺副貳擢爲太常少卿常與徐鉉  
刊正道書俄以疾辭上召見哀其羸瘠出御藥賜之授將作監  
致仕錄其子玠同學究出身爲登封縣尉俾就養未行而卒年  
六十二早遊嵩少間樂其風土願卜居焉晚乃奉佛勸上不殺

請於征戍地脩寺及普慶僧尼人病其迂闊

侯陝州長山人漢末舉明經周廣順初試秘書郎爲西川回  
鶻國信使還補雷澤主簿員外姚恕薦爲襄城令歷汝州防禦  
判官濮陽襄邑二縣令以濟幹聞建隆二年擢左拾遺抗言節  
度使袁彥不法四年改淮南轉運使賜緋衣銀帶遷右補闕乾  
德三年就改侍御史入爲右司員外郎度支判官開寶六年權  
判吏部銓賜金紫出知揚州敗南軍於宣化城俄爲部下所訟  
追赴闕陟素與盧多遜善求爲畫計多遜令上急變言南唐平  
在旦夕願急取之奈何反欲班師上屏左右召升殿問狀赦陟  
罪復知吏部選事太平興國初遷戶部郎中遷人有妄冒事發  
詞連陝南曹雷德驤將奏劾之陟造便殿自首出爲河北轉運  
使征太原更東路轉運駕還次鎮州命先還上都供頓軍需以



功遷左諫議大夫權御史中丞五年同知貢舉南郊畢加給事中七年與王明同判三司卒贈工部尚書賡有吏幹性狡獪好進善事權貴巧中傷人嘗言趙普過失及普再相頗懷憂患又忌楊克讓將大用太祖問識克讓否對曰臣素與厚善知其才識誠佳士也近聞上許以大用多市白金作飲器臣竊惟之上怒亟出令典郡其險詖如此

魏丕字齊物相州人世宗鎮洹淵辟爲司法叅軍有盜五人獄已具不疑其冤緩之果獲真盜世宗嘉其明慎歷知頓丘冠氏元城三縣復改右班殿直自陳頗涉學問願受儒資時因用武籍其幹辦不許未幾出監明鑑砦軍獲江南謀者四人部送行在詔獎之賜錢十萬遷供奉官進供備庫副使宋興改作坊副使語以作坊久弊命脩治之轉正使在職盡力開寶九年領代

州刺史凡典工作十餘年討澤潞維揚下荆廣收川陝征河東平江南皆先期諭旨令修砌器械無不精辦舊床子弩射止七百步丕重造遠至千步及改繡衣鹵簿專敕裁製常撤木坊舊屋爲僦舍收直及鬻死馬骨以給工匠之有喪者將幸洛三司使王仁瞻議催民車牛運法物太祖以勞民不悅丕請棟本坊匠少壯者二千餘分遞鋪輸之時以爲便雍熙四年轉戶部使端拱初遷度支使出爲黃州刺史還朝召對便坐賜御書恐就章宋邸集退作歌以獻願授臺省之職太宗而諭知卿本儒然清望官奉給不若刺史之優也淳化初歷汝鳳襄三州境內旱虔禱多應遷授左武衛大將軍尋判金吾街仗初六街巡警皆用禁卒丕請左右街各募卒千人優以廩給使傳呼備盜分以四營免調禁兵時甚便之五年改郢州徙復州遷左驍衛大將

軍卒年八十一生平頗能詩與士大夫遊嘗使李煜邀登昇元閣賦詩有朝宗海浪拱星辰之句以風動之又楊承信帥河中或言其反側未安命丕使還言其無狀此亦可稱者

舒元穎州沈丘人少倜儻好學與道士楊訥講習於嵩陽通左氏及公穀同詣河中謁李守貞與語奇之館於門下守貞叛遣問道乞師江南後敗還不歸留于江南訥更姓名李平爲員外郎遷衛尉少卿蘄州刺史戶部侍郎元易姓朱事李景歷江寧令駕部員外郎文理院待詔世宗親征求見景言兵事景大悅遣元率兵復舒州以爲團練使又攻歷陽爲淮南北面招討使與齊王景達監軍陳覺有隙密表譖元景信之遣大將楊守忠代元元憤怒自以戰功高心不負景欲自殺客宋洎勸元將其衆北歸世宗素知元驍果得之甚喜授檢校太保蔡州防禦使

淮南平改濠州宋初從平李重進復改沂州皆防禦使更滑州  
巡檢使復姓舒氏爲人辨捷強記或譖其不親獄訟事多寃滯  
太祖召元面詰凡所詰必具款指述曲直太祖更嘉歎之開寶  
五年爲白波兵馬都監卒贈武泰軍節度使三子知白至作坊  
使知雄初補殿直以雷有終薦授供奉官鄜延路駐泊都監  
後辭疾居嵩山太宗召授西京作坊副使泉福都巡檢使真宗  
初懇歸嵩陽舊隱復爲王嗣宗李元則所薦授供奉庫使歷知  
棣與處州爲麟府鄜延鈐轄復求入道而賜紫冠服號崇玄大  
師嘗獻字母圖詔褒獎卒年八十一知崇累歷供奉庫使嘗  
爲廣州鈐轄河北安撫副使卒孫昭遠官大理評事真宗改寺  
丞賜進士第至太常博士

王晉卿河朔人少勇敢爲鄉里所推以武藝求見周世宗隸帳

下親信之補東頭供奉官每遣宣傳密旨北征爲先鋒都監有功權控鶴都虞候克闢南授軍器庫使爲龍捷右第一軍都指揮使領彭州刺史乾德中真任興州刺史移澧州時寇難甫平盜賊充斥晉卿嚴武備設方略擒捕剪滅靡有孑遺雖劇賊無敢窺其境者然頗以賄聞太祖惜其才不問秩滿以疾求養改左監門衛將軍奉朝請未幾成北邊授莫州刺史在郡謹斥燠撫士卒遷民安堵卒年六十七

郭延謂字信臣彭城人南唐濠州觀察使全義之子幼好學工騎射補殿前承旨改濠州中軍使李景每令入奏假中朝機事父卒擢莊宅使監濠州軍周師來伐與州將黃仁謙爲固禦之計濠守欲棄城走力止之旣而援兵不至城不可守延謂南望大憫出降至山陽兄世宗特加宴勞賜金帶襲衣良馬拜亳州

防禦使以其弟延讚爲和州刺史宋初從征上黨再知亳州乾德二年代還改絳州防禦使兩川平召爲靜江軍節度觀察留後舊弊有莊宅戶車脚戶鷹鷄戶田獵戶及鄉將都將鎮將輩互擾閭里至則盡除之開寶四年卒年五十四性恭謹事母以孝聞兄延諭官南唐太子洗馬入宋至祕書監子延濟字利川從父補牙內都指揮使太祖錄爲供奉官屢使西北宣諭機事太平興國初以內廷宣索及殿前賜資移文庫務未有專領之者乃置合同憑由司命延濟與內藏庫劉蒙正掌之又領八作司督治汴河改崇儀使李順亂改西京作坊使充成都十州都巡檢爲王繼恩先鋒時成都將陷延濟率兵倍道先進擒賊探騎得其機事變易旗號令賊不覺單騎斬關逕入殺千餘人與郭載議募亡卒退保劔門賊數千躡其後復擊走之權知漢

州州方經兵燹解舍橋梁城砦悉毀募軍民葺之率州帑以應軍須錄功改洛苑使督兵屯遂州運使劉錫言其勞詔書嘉獎真宗改內園使會河朔用兵遣馳往邊城按視砦壘咸平二年卒子有倫供奉官閤門祇候延澤字德潤南唐試祕書正字乾德中四遷著作佐郎轉殿中丞知建州與贊善大夫董元亨皆好學太宗召問經史大義條對稱旨命爲史館檢討歷國子周易博士咸平中求退授虞部員外郎致仕居濠州城南小圃以自娛樂詠牡丹至千首聚圖籍萬卷手自刊校范杲韓丕皆與之游元亨亦至虞部員外郎嘗繼玄門碑誌三十卷

吳虔裕許州許田人左屯衛將軍徽子少爲郡吏漢祖鎮許愛其精謹署以右職擢爲引進使轉內客省使隱帝召除宣徽北院使周祖改汝州防禦使歷金吾衛大將軍兼衛仗使入宋至

太平興國六年遷右千牛衛上將軍仍判左街仗事凡歷三十餘年端拱初卒年八十八贈太尉庾裕性簡率言多輕肆每朝會及從遊宴太宗憐其壽高常慰撫之子延彬儀鸞副使孫仁美內殿崇班

劉福徐州下邳人少倜儻魁岸有膂力世宗征淮南福徒步謁見于壽春奇之因留麾下爲先鋒預破紫金山碧錄功授懷德指揮使宋初改橫海隸步帥劉光毅由峽路征蜀止至孟果已降會全師雄亂綿州刺史成彥饒以同華兵百餘人守其城王全斌遣福與米光緒引所部屯護之師雄聚叛卒十餘萬來攻福領精銳由山南行田紹斌由東山西北行出賊不意夾擊之賊衆大潰斬首及溺江死者萬計以功授虎捷都虞候隸曹彬麾下還領蔚州刺史從太宗克并汾遷馬步都軍頭武州團練



使端拱初出爲洛州防禦使二年改雄州兼兵馬部署至部按  
行城壘調鎮兵以給繕出私錢以資宴犒寇雖大至恃以無恐  
淳化初遷涼州觀察使祿素不知學然御下有方略政事簡易  
人甚德之在雄州五年節境寧謐子勣起大第怒曰汝曹無  
尺寸功以報朝廷豈可徒爲自安計不許年六十四卒贈太傅  
上聞前言賜其子白金使市第宅

張保續字嗣光京兆萬年人唐左武衛上將軍洪子蔭補太廟  
齋郎梁貞明中調臨濟尉充四方館通事舍人後唐領瓜州官  
告國信副使晉歷太府光祿二少卿漢初出爲隴州防禦使周  
祖遷引進副使知閤門事世宗授西上閤門使宋初遷衛尉卿  
判四方館及客省閤門事性介直好儉素在閤門前後四十年  
宣贊辭令聽者傾聳累使藩國不辱君命歷事六朝未嘗有過

建隆三年卒年六十四

侯贊太原人父義漢遼州刺史以蔭補殿前承旨周顯德中遷供奉官江南平令領三門集津發運使宋初爲諸衛將軍朝廷歲仰關中穀麥以給國用命贊掌其事歷三十年國用無闕累遷至右武衛將軍開寶中歷知建安軍揚徐二州皆有善政太宗移知福州改右衛將軍吳越納款詔馳往兩浙諸州閱視軍儲芻茭累遷左右二衛大將軍知靈州按視蕃落宴餉以時得邊士心部內大治在朔方凡十餘年上求可代者而難其人淳化二年卒于官年七十四贈本衛上將軍

石曦太原人晉韓王敬暉子歷漢至周爲左右神武衛將軍高麗加恩命副驍衛將軍戴交充使建隆三年再使高麗遷左驍衛大將軍護秦州屯兵西人犯邊率所領擊破之斬渠帥十三

人征太原領兵自澤潞除道環壅汾水又益兵攻遼州還知雄  
州代回爲潭州鈐轄開寶八年領兵敗南唐軍于袁州及平梅  
山板倉諸洞蠻俘馘數千人太平興國中歷神武羽林大將軍  
連知孟襄二州雍熙四年改知霸州兼部署陳延山謀以平戎  
軍叛入北邊曦與侯延濟定計擒之錄功加領本州團練使同  
知鎮州淳化二年移原州遷右龍武大將軍卒年七十四

弘簡錄卷一百五十七 終